

C40
4514
240



藏世界品第五之一

疏初來意者。前品通明諸佛刹海。今此別明本師所嚴依果答。世界海間故次來也。

疏釋名者。準梵本具云華藏莊嚴嚴具世界海之徧清淨功德海光明品譯者嫌繁乃成太略處中應云蓮華藏莊嚴世界海品謂蓮華舍子之處。目之曰藏。今利種及刹爲大蓮華之所含藏故云華

大方廣佛華嚴經疏鈔卷第八
于闐國三藏沙門實叉難陀譯
清涼山大華嚴寺沙門澄觀撰述

于闐國三藏沙門實叉難陀譯
清涼山大華嚴寺沙門澄觀撰述

了翁題上廬謂大藏及百家書臚。至則著雲山稿。微矣。場院庭舍中。永為學者。不敢許出。院內當由二世鐵牛機謹誌。



Q 64853

撰述

三藏疏金身

藏。其中一一境界。皆有利海塵數清淨功德。故曰莊嚴。世界深廣。故名爲海。有云。世界依海故立。海名者。恐非文意。以下云。華藏莊嚴世界海。住在華中。故其梵云嚴具。卽是能嚴。其徧清淨功德海光明。卽顯嚴之相用。依體有用。故致之言。今文舉體攝用。但云華藏。鈔梵本具云者。梵云拘蘇磨。華多羅。藏 騃訶。莊嚴 阿楞伽。嚴具 嚗迦。馱都。世界 三牟達囉。海 鉢履輸陀。云徧清淨 懼囊。功德 三牟達囉。海 阿囉婆娑。光明 鉢履勿多。印 此云華藏莊嚴。嚴具世界海徧清淨功德海光明品。

疏約事可爾。何因利海相狀如斯。略舉二因。一約衆生如來藏識。卽是香海。亦法性海。依無住本。是謂風輪。亦妄想風。於此海中。有因果相。恒沙性德。卽是正因之華。世出世間未來果法。皆悉含攝。故名爲藏。若以法性爲海。心卽是華。含藏亦爾。然此藏識相分之中。半爲外器。不執受故。半爲內身。執爲自性。生覺受故。如來藏識。何緣如此。法如是故。行業引故。二約諸佛。謂以大願風持。大悲海生。無邊行華。含藏二利。染淨果法重疊。無礙故。所感利相狀如之。是以出現品中。多將世界以喻佛德。細

尋文意。乃由佛德世界如之。鈔約事可爾下覈其本源。不爲此釋。豈委利海之興由。

疏三宗趣者。別顯本師依報具三世間融攝無盡爲宗。令諸菩薩發生信解成就行願爲趣。餘如前品但總別異耳。融攝之相亦見前文。賢首立華藏觀復有十德大同小異。如彼文說。鈔言有十德者。前品已引。

爾時普賢菩薩復告大衆言。諸佛子。此華藏莊嚴世界海是毘盧遮那如來往昔於世界海微塵數劫修菩薩行時。一一劫中。親近世界海微塵數佛。一一佛

所淨修世界海微塵數大願之所嚴淨。

疏第四釋文。一品分三初明華藏因果自體。二明

藏海安布莊嚴。三明所持利網差別。三段如次釋華藏莊嚴世界之名。今初二先長行後偈頌長行亦二。初舉果屬人顯因深廣。二彰果體相辯其寬容。今初也謂指此利海。是我本師修因所淨。然因深廣有三勝相。一長時修利海塵劫故。不唯三祇。二於多劫。一一遇多勝緣。不唯勝觀釋迦等佛。三於多勝緣。一一淨多大願。願淨國等。不唯淨一無生等。由上三重。故云深廣。鈔初華藏等者。然

第二安布莊嚴亦是果相故應對果分因總爲二段謂先明利因後彰果相以第一段長行具有因果偈文雙頌因果故合於因屬自體中不唯勝觀等者俱舍論第十八說於三無數劫各供養七萬又如次供養五六七千佛三無數劫滿逆次逢勝觀然燈寶髻佛初釋迦牟尼釋曰此二偈中初偈明供養佛數謂初無數劫供養七萬五千佛第二無數劫供養七萬六千佛第三無數劫供養七萬七千佛後頌明逢何佛供養言逆次者從第三無數劫向前以明謂第三無數劫滿逢勝觀佛第二

無數劫滿逢然燈佛第一無數劫滿逢寶髻佛最初發心逢釋迦佛發誓願言願我當作佛一如今世尊彼佛世尊末劫出世法住千年今我如來一同彼故今疏云不唯勝觀者舉第二阿僧祇劫滿佛言釋迦者舉初發心之佛而言等者乃有三義一等然燈寶髻二等所供佛數三等餘教所明設言供養三十六恒三十八恒佛等皆未足爲多也不唯淨一無生忍者如智論說五華供養然燈得無生法忍故金剛經云若有少法可得然燈佛則不與我授記等無法可得是無生相而言等者

等餘法門。俱舍頌云。但由悲普施。被析心無忿讚。
 歎底沙佛。次無上菩提。六波羅蜜多。於是四位。
 一二又一二。如次修圓滿。釋曰。初之四句。即是四
 位初位一滿。謂普施成檀。次位二滿。謂戶及忍。被
 析不報。故能滿戶。由內無忿。故成於忍。第三位中。
 但一度滿。謂精進度。第四位中。定慧雙滿。故云一
 二又一二等。言底沙者。此云圓滿讚佛偈云。天地
 此界多聞室。逝宮天處十方無。丈夫牛王大沙門。
 尋地山林徧無等。七日七夜忘下一足。歎底沙故。
 超於彌勒九劫先成佛智論之中。亦同此說。故六

度滿前後不多。今經一一佛所。淨修世界海微塵。
 數大願。況於多佛。况多劫耶。故疏結云。由上三重。
 故云廣深。

疏然瑜伽起信等。約三乘教。一方化儀。一類世界。
 定說三祇。今約一乘。該通十方。及樹形等界。故云
 利海塵數。是以寶雲經言。我爲淺識衆生。說三僧
 祇劫修行。然我實經無量阿僧祇劫修行。又時無
 別體。依法上立法。既無盡時。亦無窮。況念劫圓融。
 不應尅執。鈔然瑜伽下。二隨難別釋。卽重釋三
 祇。約三乘一乘以通。言該通十方者。對上一方化

1 2 3 4 5 6 7 8 9 10

1 2 3 4 5 6 7 8 9 10

儀及樹形者。對上一類世界。且如娑婆一劫。方知安樂得爲一日。則安養世界。乃經三無數日耳。更方架娑幢利。未經歲月。況於後後以劫爲日之劫耶。是則不可以此一方類定於成佛時劫之數。二異類利者。卽於一界。卽具諸界。互不相見。時劫亦殊。安知修短。故朝菌不知晦朔。况識春秋。况於大椿之歲耶。寶雲經者。經云。善男子。菩薩不能思議。如來境界。不可思議。但爲淺近衆生說。三僧祇修得菩提。而實發心以來。不可計數。賢首釋云。不可計者。不可計數阿僧祇也。義分齊云。始

教三祇。不同小乘。小乘十十數之。此卽倍倍數之。仍說百劫修相好等。智度論破此別修相好。不許三祇之外別修。卽是實教之意。然實教之意。自有二義。一定三僧祇。一方化儀故。又是實佛故。起信論云。或示超地速成正覺。以爲怯弱衆生故。或說我於無量阿僧祇劫當成佛道。以爲懈慢衆生故。能示如是無量方便不可思議。而實菩薩種性根等。發心則等。所證亦等。無有超過之法。以一切菩薩。皆經於三阿僧祇劫故。斯則定也。二者不定。復有二意。一爲通餘類世界故。如勝天王說。卽前樹

形等刹是。據佛實德無限故。如寶雲經。若瑜伽說。有二種無數劫。一者日夜月半月等。方便顯時無量故。二者如常說。若依初義。經無量劫。若依後義。但三僧祇然。依此釋。不同寶雲。寶雲不言爲淺近衆生說於大劫。爲於深勝說日月劫。明知意殊。是則瑜伽亦是一方所宣說耳。又時無別體下。別教一乘融攝以說。如毘目仙人執善財手。時經多劫處歷無邊故。不可以長短思也。若顯超勝一生頓圓。若約甚深。多劫莫究。故云不可定執貴在入玄。

○疏第二諸佛子下。彰果體相者。植因既深。果必繁奧。然所依利量諸教不同。小乘但一娑婆三乘。有大小之化。或色究竟爲實。或他方別有淨邦。今一乘十佛之境。大小無礙。淨穢相融。且依一相說。有邊表實。則一重橫尋無邊。况復重重塵含法界。鈔然所依下。二彰其分量。言大小之化者。如梵網經。周市千華上。復現千釋迦。卽大化也。一華百億國。一國一釋迦。卽小化也。小化唯一四洲。大化總該百億。且依一相者。且依一種義相。不壞邊表。有蓮華外別佛刹海等。實則稱性。橫不可尋。故云法

釋述

華嚴疏鑑卷八

七

寒

界無差別。若以性融相。則一塵中法界無盡。
 疏然準下別顯。應有十事。一所依風輪。二風持香
 海。三海出蓮華。四華持利海。五繞臺輪山。六臺面
 寶地。七地有香海。八海間香河。九河間樹等。十總
 結多嚴。今文之中。唯闕一河。文且分四。第一能持
 風輪。第二所持香海。第三海出蓮華。第四華持利
 海。鈔應有十事者。以文廣釋十事故。此中長行。
 略標列故。是以古德一品之中。先分土因。就果相
 中。卽分十段。今不依者。以下六事。各有長行偈頌。
 而前四事。同一長行。故科十段。於文不便。先科爲

三於第一華藏自體長行之內。方分爲四耳。

疏然其利因。有其總別。已見上文。爲顯別義。且明
 一因成於一果。鈔已見上文者。卽起具因緣中。
 通義易知。故示別相。

諸佛子。此華藏莊嚴世界海。有須彌山微塵數風輪
 所持。

疏今初風輪之因。卽大願等。亦如前釋。於中文三。
 初總標數。二略列名。三別舉最上。

其最下風輪。名平等住。能持其上一切寶。燄然莊
 嚴。次上風輪。名出生種種寶莊嚴。能持其上淨光照

撰述

華嚴疏錄卷八

八

寒

耀摩尼王幢次上風輪。名寶威德能持其上一切寶
 鈴。次上風輪。名平等燄能持其上日光明相摩尼王
 輪。次上風輪。名種種普莊嚴能持其上光明輪華。次
 上風輪。名普清淨能持其上一切華燄師子座。次上
 風輪。名聲徧十方能持其上一切珠王幢。次上風輪。
 名一切寶光明能持其上一切摩尼王樹華。次上風
 輪。名速疾普持能持其上一切香摩尼湏彌雲。次上
 風輪。名種種宮殿遊行能持其上一切寶色香臺雲。
 疏列中名平等住者。一徧持諸位故。二稱實性故。
 餘名可知。風並在下。寶在臺面。以力遙持。鈔以

力遙持者古有二釋。一云。一重風輪持一重物疏
 以出現品中有十風輪持欲色等皆是遙持故今
 案定。

諸佛子。彼湏彌山微塵數風輪最在上者。名殊勝威
 光藏。

疏三舉最上者。勝力能持香海故立其名。

能持普光摩尼莊嚴香水海。

疏第二能持下。所持香海以摩尼發光普照一切
 嚴海底岸及寶色香水故立此名。又藏識名海。具
 德深廣故流注名水利那性故。又佛姓名水。遠熏

名香聞未證故涅槃亦云有人聞香。鈔又佛性
名水下約通生佛佛性卽是真法性故故此品初
海表三義今舉其二略不說悲涅槃亦云有人聞
香卽第七經至問明品當具引之。

此香水海有大蓮華各種種光明榮香幢。

疏第三此香水下所出蓮華藥放異光又發勝香
高出降伏故立此名又所發萬行一一覺性故曰
光明皆能普熏卽香義也。鈔又所發萬行下上
約事釋此約表法但通相表行若別說者略示十
德表於十度開敷鮮榮以表施度一自性無染以

表戒度二香氣芬馥四寶莖堅固五寶葉扶疎六
寶榮光幢七相巧成就八舍藏蓮子九寶臺堅住
十普放光明下八如次顯於八度。

華藏莊嚴世界海住住其中四方均平清淨堅固金
剛輪山周布圍繞地海衆樹各有區別。

疏第四華藏下所持利海四方均平總形相清
淨堅固彰其體性金剛圍等別明所有卽下別顯
此爲其本一山二地三海四樹各別區分卽總顯
多嚴但闕一河以下有別顯故此略明下亦略頌
是時普賢菩薩欲重宣其義承佛神力觀察十方而

說頌言。

世尊往昔於諸有。微塵佛所修淨業。故獲種種寶光明。華歲莊嚴世界海。

廣大悲雲徧一切。捨身無量等利塵。以昔劫海修行力。今此世界無諸垢。

疏第二偈中。然長行偈頌有十例五對。謂有無廣略離合。先後爲八。九或超間。十或頌已重頌。故釋頌文不可一例。上下準之。此文略有四例。一宿因現緣經離頌合。鈔一宿因現緣者。此中名長行爲經。以取長行綴葺略說所應說義別相修多羅。

故言經離者。宿因卽前顯因深廣。現緣卽前風持香海等。此二明離。言頌合者。初偈頌總前半宿因。後半現緣第二偈三句宿因。第四句是現緣故。

疏二所成果相經略頌廣。鈔二所成果相者。長行云。華歲世界海住其中者。卽所成果相。此文則略以十偈之內。皆有果相。故云頌廣。

疏三現緣風輪。經廣頌略。鈔三現緣風輪者。經列十種風輪。偈中但云風力所持無動搖耳。疏四山地海樹。經有頌無。鈔四山地海樹者。長行云。金剛輪山周市圍繞。地海衆樹各有區別。此

經有也頌無可知。上言有四者。但有四例。唯廣略一種。乃成一對。離合有無。但成一例耳。若成對者。應湏經合頌離。經無頌有。方成二對。餘四例二對。此中則無下頌則有。

疏十偈分二。初二頌上因相。卽辯因招果。

放大光明徧住空。風力所持無動搖。佛藏摩尼普嚴飾。如來願力令清淨普散摩尼妙藏。華以昔願力空中住。

疏餘頌果相於中分四。初一偈半頌風輪。皆上句所持。下句能持。初半偈以果持果。後偈兼明能成之因。前半離障願令清淨故。後半無礙願依空住故。

種種堅固莊嚴海。光雲垂布滿十方。諸摩尼中菩薩雲。普詣十方光熾然。

疏二有一偈頌香海。尋此了名。

光燄成輪妙華飾。法界周流靡不徧。一切寶中放淨光。其光普照衆生海。十方國土皆周徧。咸令出苦向菩提。寶中佛數等衆生。從其毛孔出化形。梵王帝釋輪王等。一切衆生及諸佛。

化現光明等法界。光中演說諸佛名種種方便。示調伏普應羣心無不盡。

疏二有三頌半頌蓮華。初一偈半。釋種種光明葉。則顯此華以寶爲體。次一偈。釋香義。就法以明。寶中出佛。佛出世王。如從質發。香遠熏之義。後一釋幢義。演佛是高出義。調生是推伏義。

華藏世界所有塵。一一塵中見法界。寶光現佛如雲集。此是如來利自在。

廣大願雲周法界。於一切劫化羣生。普賢智地行悉成。所有莊嚴從此出。

疏四有二頌。明刹自在總頌上所持刹海。初偈自在。一一稱性故。卽同時具足相應門也。心塵準思。寶光現佛者。依正互融故。後偈結歸普因。故能含攝。

爾時普賢菩薩復告大衆言。諸佛子。此華藏莊嚴世界海大輪闍山。住日珠王蓮華之上。

疏第二別顯安布莊嚴文分爲六。第一四周輪山。二寶地。三香海。四香河。五樹林。六總結。各別有偈。今初輪山。則清淨戒德內攝外防之所成也。長行中三。初總舉所依。二栴檀下。別顯體相。三如是下。

結德無盡。今初山所依處卽地面四周。日珠王者所依處地故舊經云。依蓮華日寶王地住。亦有言大華之上別有此蓮爲山所依。義似不順。所以地受此名者。前華名種種光明藥偈中云。光燄成輪。又云一切寶中放淨光明。知此華以寶爲體。是則如日輪之珠王爲蓮華也。斯卽總華之稱。

栴檀摩尼以爲其身。威德寶王以爲其峰。妙香摩尼而作其輪。燄藏金剛所共成立。一切香水流注其間。衆寶爲林。妙華開敷。香草布地。明珠間飾。種種香華。處處盈滿。摩尼爲網。周帀垂覆。如是等有世界海微

塵數衆妙莊嚴。

疏二別顯中。前取堅利。且云金剛。今明具德。略有十相。前四自體圓滿。後六外相莊嚴。一身爲總形。摩尼圓明。栴檀芬郁。皆戒之德也。二山峰謂秀出孤絕。威伏諸惡。三山輪。古有二義。一。山彎曲之處。二。山腹跳出如師子座。半月爲輪。準下偈文。輪居山下。爲山所依。四成山之緣上。舉三事各別有體。今顯金剛內含光燄。徧成其體。如世土石雜而成山。金剛徧故。得金輪名。餘六文顯。並在山間。爾時普賢菩薩欲重宣其義。承佛神力。觀察十方而

說頌言。

世界大海無有邊寶輪清淨種種色。所有莊嚴盡奇妙。此由如來神力起。

疏應頌有十文分爲二。前六明山體相莊嚴。頌前別顯。後四辯山妙用自在亦顯。依正無礙。卽頌前結文前中五。初一總頌圍山。初句所圍次二句能圍。後句出因。言無邊者有其二義。一但總相顯多。故云無邊實有邊表。二說有圍山外者是無邊之邊。不礙理而卽事故。今云無邊者是邊之無邊不壞相而卽理故。鈔是無邊之邊者意明理無是相卽相作之義思之。

分限總曰無邊事有分限故名有邊若依理成事理性全隱則無邊卽邊若會事歸理事相全盡則邊卽無邊今則不爾不失理而現事云無邊之邊不壞事而理顯云邊之無邊此是事理無礙義不是相卽相作之義思之

摩尼寶輪妙香輪及以真珠燈燄輪種種妙寶爲嚴飾清淨輪圍所安住。

疏二有一頌頌前山輪。

堅固摩尼以爲藏闇浮檀金作嚴飾舒光發燄徧十方内外映徹皆清淨。

疏三一頌成山之緣。

金剛摩尼所集成復。兩摩尼諸妙寶。其寶精奇非一種。放淨光明普嚴麗。

疏四一頌成山之緣。

香水分流無量色散。諸華寶及栴檀。衆蓮競發如衣布。珍草羅生悉芬馥。

無量寶樹普莊嚴。開華發榮色熾然。種種名衣在其內。光雲四照常圓滿。

疏五六二偈頌前水等諸嚴及加衣等。

無量無邊大菩薩。執蓋焚香充法界。悉發一切妙音。

聲普轉如來正法輪。

諸摩尼樹寶未成。一一寶未現光明。毘盧遮那清淨身。悉入其中普令見。

諸莊嚴中現佛身。無邊色相無央數。悉往十方無不徧。所化衆生亦無限。

一切莊嚴出妙音。演說如來本願輪。十方所有淨刹海。佛自在力咸令徧。

疏後四妙用自在並顯可知。

爾時普賢菩薩復告大衆言。諸佛子。此世界海大輪圍山內所有大地。

疏第二臺面寶地卽體心性定之所成也。長行文三初標所在。二一切下別顯體相莊嚴三總結。一切皆以金剛所成堅固莊嚴不可沮壞清淨平坦無有高下摩尼爲輪衆寶爲藏一切衆生種種形狀諸摩尼寶以爲間錯散衆寶末布以蓮華香藏摩尼分置其間諸莊嚴具充徧如雲三世一切諸佛國土所有莊嚴而爲校飾摩尼妙寶以爲其網普現如來所有境界如天帝網於中布列諸佛子此世界海地有如是等世界海微塵數莊嚴。

疏二中十句初一地體標以金剛釋以堅固不壞

徧華藏地盡是金剛故上菩提場地徹華藏也。二地相平淨餘八皆莊嚴謂三飾以寶輪四畜以寶藏五間以異寶六散以寶末七布以蓮華八分置香摩尼九充以莊嚴具但云諸嚴嚴有多少三世佛國之嚴而爲嚴者顯無盡之嚴具也十覆以寶網隱映莊嚴網有何用普現佛影此網何相如天帝網而布列也又此帝網重現無盡成上普現如來境界及上一一境界皆無盡也鈔但云諸嚴下此句稍長故牒釋之卽從諸莊嚴具下是第九句摩尼妙寶下皆第十句。

爾時普賢菩薩欲重宣其義。承佛神力。觀察十方而說偈言。

其地平坦極清淨。安住堅固無能壞。摩尼處處以爲嚴。衆寶於中相間錯。

金剛爲地甚可悅。寶輪寶網具莊嚴。蓮華布上皆圓滿。妙衣彌布悉周徧。

菩薩天冠寶瓔珞。悉布其地爲嚴好。栴檀摩尼普散中。咸舒離垢妙光明。

寶華發燄出妙光。光燄如雲照一切。散此妙華及衆寶。普覆於地爲嚴飾。

疏偈有十頌分二。前七頌前別顯。後二頌總結。前中二初四頌前八段。而小不次者。顯前無優劣故。或重或廣者。顯義無方也。恐繁不配。可以意得。密雲興布滿十方。廣大光明無有盡。普至十方一切土。演說如來甘露法。

一切佛願摩尼內。普現無邊廣大劫。最勝智者昔所行。於此寶中無不見。

疏次二頌。嚴具如雲。

其地所有摩尼寶。一切佛刹咸來入。彼諸佛刹一一塵。一切國土亦入中。

撰述

華嚴疏錄卷八

七

釋

疏後一偈頌。如天帝網。謂一寶既收。一切則彼利。諸塵復攝。一切卽重重也。

妙寶莊嚴華藏界。菩薩遊行徧十方。演說大士諸弘願。此是道場自在力。

摩尼妙寶莊嚴地。放淨光明。備衆飾。充滿法界等虛空。佛力自然如是現。

諸有修治普賢願。入佛境界。大智人能知於此刹海中。如是一切諸神變。

疏後三偈頌總結者。結其所屬。初偈結屬道場。次屬佛力。後結能知之人。

爾時普賢菩薩復告大眾言。諸佛子。此世界海大地中有十不可說佛利微塵數香水海。十字依北藏補

疏第三地面香海者。上之大海既是藏識。今明心華之內攝諸種子。一一種子不離藏識。故有多香海。然一一具於性德。故皆有莊嚴長行分。二初總舉數。準下利種及梵本中。皆有十不可說。今闕十字。或是譯人之漏。或是傳寫之失。下標種處亦然。鈔準下利種者。以中海管十海。十海一道。布列。結有不可說佛利微塵數香水海。十道皆然。一海一種。故有十不可說也。下標種者。標云。諸佛子。

此不可說佛利微塵數香水海中。有不可說佛利世界種釋曰。此卽標種處無十字亦例合有。一切妙寶莊嚴其底。妙香摩尼莊嚴其岸。毘盧遮那摩尼寶王以爲其網。香水映徹具衆寶色充滿其中。種種寶華旋布其上。栴檀細末澄淨其下。演佛言音放寶光明。無邊菩薩持種種蓋現神通力。一切世界所有莊嚴悉於中現。

疏二。一切下別顯莊嚴準後總結應云。一香海各有若干莊嚴。今文略無若按文取義。一切之言卽一切海總以妙寶而爲其底等。文有二十句。前

十明海體狀。一底。二岸。三網。四水。五華。六塗。七聲。八光。九人衛。現通。十結廣無盡。

十寶階陛。行列分布。十寶欄楯。周帀圍繞。四天下微塵數。一切寶莊嚴芬陀利華敷榮水中。不可說百千億那。由他數十寶戶羅幢。恒河沙數一切寶衣鈴網幢。恒河沙數無邊色相寶華樓閣。百千億那。由他數十寶蓮華城。四天下微塵數衆寶樹林。寶燄摩尼。以爲其網。恒河沙數栴檀香。諸佛言音光燄摩尼。可說百千億那。由他數衆寶垣牆。悉共圍繞周徧嚴飾。疏後十寶下十句攝異莊嚴。唯白蓮華當於水中。

餘皆在岸。言十寶者。有云金銀瑠璃磚砾瑪瑙珊瑚琥珀真珠玫瑰琴瑟爲十。十中前七卽是七寶芬陀利者。卽白蓮華。亦是正敷榮時。尸羅幢者。應云試羅。此云美玉。若言尸羅。此云清淨。二義俱通。餘並可知。以法門合之。可以意得。鈔芬陀利卽白蓮華者。卽唐三藏等諸師所翻。而言亦是正敷榮時者。卽什公意。故叡公法華序云。華有三時之異。華而未敷。名屈摩羅。彫而將落。名迦摩羅。處中盛時。名芬陀利。生公亦云。器像之妙。莫踰蓮華。蓮華之美。榮在始敷。始敷之盛。則子盈於內。色香味足。謂之芬陀利。意亦同也。今存二譯。各是一義。梵語多含。故兩存耳。

爾時普賢菩薩欲重宣其義。承佛神力。觀察十方而說頌言。

此世界中大地上。有香水海。摩尼嚴清淨妙寶。布其底。安住金剛不可壞。

香藏摩尼積成岸。日燄珠輪布若雲。蓮華妙寶爲瓔珞。處處莊嚴淨無垢。近以佛威神演妙法。

疏頌中菩薩持蓋經有頌無。日燄光輪經無頌有。
且分爲二初三頌初十句一頌底二頌岸及網要。
卽網類三頌餘七細尋可見。

階陛莊嚴具衆寶復以摩尼爲間飾周迴欄楯悉寶
成蓮華珠網如雲布。

摩尼寶樹列成行華藥敷榮光赫奕種種樂音恒競
奏佛神通力令如是。

種種妙寶芬陀利敷布莊嚴香水海香燄光明無譬
停廣大圓滿皆充徧。

明珠寶幢恒熾盛妙衣垂布爲嚴飾摩尼鈴網演法

音令其聞者趣佛智。

妙寶蓮華作城郭衆彩摩尼所嚴瑩真珠雲影布四
隅如是莊嚴香水海。

垣牆繚繞皆周匝樓閣相望布其上無量光明恒熾
然種種莊嚴清淨海。毘盧遮那於往昔種種利海皆嚴淨如是廣大無有
邊悉是如來自在力。

疏餘七偈頌後十句而小不次謂一頌階陛欄楯
二頌樹林二頌華敷四頌幢相五頌城珠六頌牆
閣繚者纏也七頌結嚴屬佛一昔因二現力。

爾時普賢菩薩復告大衆言。諸佛子。一一香水海。各有四天下微塵數香水河。右旋圍繞。

疏第四海間香河。卽隨一一心同時相應功德流注也。長行亦云。初舉數一。一切下辯嚴二。若廣下結廣。鈔卽隨一心者。大海旣喻藏識。小海復表種子。二皆心王故。河表同時心所。謂善十一。徧行別境。一千福河流注心地。

一切皆以金剛爲岸。淨光摩尼以爲嚴飾。常現諸佛寶色光雲。及諸衆生所有言音。其河所有漩渦之處。一切諸佛所修因行種種形相。皆從中出。摩尼爲網。衆寶鈴鐸。諸世界海所有莊嚴。悉於中現。摩尼寶雲以覆其上。其雲普現華嚴世界毘盧遮那十方化佛。及一切佛神通之事。復出妙音稱揚三世佛菩薩名。其香水中常出一切寶燄光雲。相續不絕。

疏嚴中嚴事。並無差別。故云一切皆以謂並用寶體寶嚴聖靈游集。光雲相映。萬象浮輝。十句可知。若廣說者。一一河各有世界海微塵數莊嚴。

疏三結廣中旣繞小海之小河。已有利海塵數之嚴彌顯。諸標結文。非唯約事。皆是一多無礙耳。爾時普賢菩薩欲重宣其義。承佛神力。觀察十方而

說頌言。

清淨香流滿大河。金剛妙寶爲其岸。

疏偈中初半偈頌岸體金剛。

寶未爲輪布其地。種種嚴飾皆珍好。寶階行列妙莊嚴欄楯周迴悉殊麗真珠爲藏衆華飾種種瓔蔓共垂下。

疏次一偈半頌摩尼嚴岸。

香水寶光清淨色。恒吐摩尼競疾流。衆華隨浪皆搖動。悉奏樂音宣妙法。

疏三一頌光雲言音。

細末栴檀作泥塗。一切妙寶同洄渙。香藏氣氤布在中。發燄流芬普周徧。

河中出生諸妙寶。悉放光明色熾然。其光布影成臺座。華蓋珠瓔皆具足。

摩尼王中現佛身。光明普照十方利。以此爲輪嚴飾地。香水映徹常盈滿。

疏次三皆頌旋渡出影。

摩尼爲網金爲鐸。徧覆香河演佛音。克宣一切菩提道。及以普賢之妙行。

疏七頌網鐸垂覆及總現諸嚴前現事嚴此說道

行。

寶岸摩尼極清淨。恒出如來本願音。一切諸佛曩所行。其音普演皆令見。

疏八頌現佛依正。

其河所有漩流處。菩薩如雲常踊出。悉往廣大刹土中。乃至法界咸充滿。

疏九頌浪出妙音。

清淨珠王布若雲。一切香河悉彌覆。其珠等佛眉間相炳然顯現諸佛影。

疏十頌水出光雲。更有影略。可以意得。

爾時普賢菩薩復告大衆言。諸佛子。此諸香水兩間之地悉以妙寶種種莊嚴。

疏第五河間華林。長行有三。初總標次一一下別顯。後其香水下總結。

一一各有四天下微塵數衆寶莊嚴。芬陀利華周巾徧滿各有四天下微塵數衆寶樹林次第行列。一一樹中恒出一切諸莊嚴雲摩尼寶王照耀其間。種種華香處處盈滿其樹復出微妙音聲說諸如來一切劫中所修大願復散種種摩尼寶王充徧其地所謂蓮華輪摩尼寶王香燄光雲摩尼寶王種種嚴飾摩

尼寶王現不可思議莊嚴色摩尼寶王。日光明衣藏
摩尼寶王周徧十方普垂布光網雲摩尼寶王現一
切諸佛神變摩尼寶王現一切衆生業報海摩尼寶
王。如是等有世界海微塵數其香水河兩間之地一
悉具如是莊嚴。

疏別顯二事。謂華及樹水陸各一實有多事。然此
一段文勢少異。不列十事以顯無盡而但舉二展
轉明多。謂初一白蓮後一寶樹於此一樹出五業
用。一出莊嚴雲。二寶王照耀。三華香盈溝。四出音
演法。五雨寶徧地於中文有總別及結別有八事。

通三世間初六現器次一現正覺後一現衆生世
間。如劖葉林等現惡業報。天意樹等卽善業報。男
女林中朝生暮落皆業報海。鈔如劖葉林者。其
林樹葉猶如刀劖下卽傷人。天意樹者。涅槃四十
二問中當第二十四問云。云何觀三寶。猶如天意
樹。言天意樹者。隨天意轉故。至第九經方始答之
云。復次善男子。如庵羅樹及閻浮提樹。一年三變。
有時生華。光色敷榮有時生葉滋茂蓊鬱。有時彫
落狀若枯死。善男子。於意云何。是樹實爲枯死不
耶。不也。世尊。善男子。如來亦爾。於三界中示三種

身有時初生。有時長大。有時涅槃。而如來身實非無常。釋曰。意明三寶隨物轉變而實常存。如天意樹隨天意轉而實不死。隨天之意明是善業。男女林者。卽楞伽第一百六問。云何男女林。一百七問。云何訶黎勒阿摩勒解曰。謂令觀世間。如男女林等。依立世阿毘曇論第一云。閻浮提林。外有二林。一名訶黎勒。二名阿摩勒。此二林南復有七林。中有人林。是人林中果形如人。如閻浮提勝人王種。若男子十六歲。如女十五歲。莊嚴具足。狀如行嫁。是人林果可愛。如是其子蒂形。如人頭髻。未離欲者。見此果子便生愛心。諸外道等有離欲人。若見此果。卽失禪定。欲心還生。其子熟時。唯鳥競食。鳥食之餘。殘落於地。如屍陀林甚可厭惡。退禪定者。見是相已。深生厭離。還得本定。意表世間男女。如林所見榮飾。悉皆如幻。與此無別。偏計所執妄謂之實。菩薩觀之。都無所有。故楞伽云。觀諸衆生。如死屍無知。以妄想故。見有往來。若離妄想。如彼死屍無鬼入中。云爲自在。故有經說。菩薩所見世間資生。無非實相。此之謂矣。

疏如是等下。且結樹之兩寶。已有利海塵數例上。

出雲等四。一一皆然。一樹之中。已有多刹海之嚴矣。次例芬陀利華亦同於樹。其華與樹各有四天下塵。一一皆爾。如華樹等類。復應有利海塵數之物。故爲無盡之嚴也。

爾時普賢菩薩欲重宣其義。承佛神力。觀察十方而說頌言。

其地平坦極清淨。真金摩尼共嚴飾。諸樹行列蔭其中。聳幹垂條萃若雲。

枝條妙寶所莊嚴。華燄成輪光四照。摩尼爲果如雲布。普使十方常現覩。

摩尼布地皆充滿。衆華寶末共莊嚴。復以摩尼作宮殿。悉現衆生諸影像。

諸佛影像摩尼王普散其地。靡不周。如是赫奕徧十方。一一塵中咸見佛。

妙寶莊嚴善分布。真珠燈網相間錯。處處悉有摩尼輪。一一皆現佛神通。

衆寶莊嚴放大光。光中普現諸化佛。一周行靡不徧。悉以十力廣開演。

疏後應頌不次文分爲三。初六頌寶樹。

摩尼妙寶芬陀利。一切水中咸徧滿。其華種種各不

同悉現光明無盡歎。

疏次一頌白蓮華。

三世所有諸莊嚴摩尼果中皆顯現體性無生不可取此是如來自在力。此地一切莊嚴中悉現如來廣大身彼亦不來亦不去佛昔願力皆令見。

此地一一微塵中一切佛子修行道各見所記當來利隨其意樂悉清淨。

疏後三結嚴所因謂由佛等力明體用無礙現而常如然此偈有多意趣一者初一偈則器世間

次一智正覺後一衆生欲明一一事中皆現三世間嚴影略其文耳鈔然此三偈下二別釋示難思相總有六重六重之中皆通一偈而各取一句中言又此四句各是一義如第一偈初句所現之境二能現之處三所現之相四能現之因下二例然其第一重料揀初句所現不同三偈各一世間而初偈是初句次偈是第二句後偈是第二三兩句影略其文者謂隨一能現現三世間今各舉一故云影略非但此義六重皆影略。

△疏又初明一果能現次例一切莊嚴後明塵塵皆

爾從略至廣。從麁至細。鈔又初明一果能現下。
第二重約現處以明。初偈第二句。後二偈皆第一
句。

△疏又初明佛力。次彰願力。後隨樂力。鈔又初明
佛力下。第三重約能現因差。各顯一因。皆第四句。
△疏又初果後因。願通因果。鈔又初果後因者。是
第四重。亦約現因明異。重釋第四句。而約因果不
同。

△疏又初自後他願通自他。鈔又初自下。第五亦
約能現因句。亦第四約二利不同。

△疏又初明卽性無性。體本不生。次明卽相無相。現
無來去。後明不壞於相。各見不同。鈔初明卽性
無性下。第六重約所現性相明差。三偈皆第三句。
以各見不同。同體無來等。此之一義。更湏解釋。謂
若順上釋。既從佛力等因。故所現之體。卽無生等。
二者此句亦是能現。由體無生。故現而叵取。稱性
而來。故無來去。隨機隱顯。各見不同。

疏方顯華藏之嚴。皆言亡慮絕非可情求也。
爾時普賢菩薩復告大衆言。諸佛子。諸佛世尊。世界
海莊嚴不可思議。

疏第六辯總結莊嚴上來諸段雖說莊嚴猶未能盡故今總顯一一之境若說不說皆具利海塵數功德莊嚴是以文云一切境界長行文二先標莊嚴難測。

何以故諸佛子此華藏莊嚴世界海一切境界。一皆以世界海微塵數清淨功德之所莊嚴。

疏二何以下徵釋所由清淨功德文含二義一謂衆多果嚴即是清淨功德一謂一一果嚴從多清淨功德因生以因均果應成四句謂多因一果。一因多果等故隨一一事卽曰難思。鈔應成四句

者文出二句三二因一果四多因多果隨修一行無德不招廣如問明及昇兜率品四句相融故一難思。

疏是以頌云但由如來昔所行神通願力而出生斯卽因也若語果嚴略有五相一者令多周給一切鈔一者令多者第四偈一切利海咸周徧是令周給他也。

疏二者令常永無乏絕鈔第二偈中靡蹕停第三偈中恒聞見是令常也。

疏三者令妙悅可衆心鈔第三偈中其音美妙。

是令妙也。

疏四者稱性無生無相。鈔第十偈中無等無生無有相。是稱性也。

疏五者自在鎔融無礙。偈文具之總斯五義故曰難思。况因果相卽。鈔第八偈等能於一切微塵中普現其身淨衆利。及第九偈一刹那中悉能現皆自在也。

爾時普賢菩薩欲重宣其義。承佛神力觀察十方而說頌言。

此刹海中一切處悉以衆寶爲嚴飾。發燄騰空布若

雲光明洞徹常彌覆。

摩尼吐雲無有盡。十方佛影於中現。神通變化靡蹠停。一切菩薩咸來集。

一切摩尼演佛音。其音美妙不思議。毘盧遮那昔所行於此寶內恒聞見。

清淨光明徧照尊莊嚴具中皆現影。變化分身衆圍繞。一切利海咸周徧。

疏偈文有十大分爲二。前六果嚴用勝。後四對因辯果前中分三。初四別明嚴用。

所有化佛皆如幻。求其來處不可得。以佛境界威神

支那
華嚴疏錄卷八
東京大學総合図書館所蔵

撰述

華嚴疏金鑑

卷八

三

力一切利中如是現。

疏次一結屬現緣。

如來自在神通事悉徧十方諸國土以此利海淨莊嚴一切皆於寶中現。

疏後一總結多類。

十方所有諸變化一切皆如鏡中像但由如來悉所行神通願力而出生。

疏後四對因辯果中一由行願神通爲因故獲變化如鏡像果。

若有能修普賢行入於菩薩勝智海能於一切微塵

中普現其身淨衆利。

疏二以普行勝智爲因故得一塵淨衆利果。

不可思議億大劫親近一切諸如來如其一切之所行一刹那中悉能現。

疏三由長時近友爲因故得刹那頓現之果。

諸佛國土如虛空無等無生無有相爲利衆生普嚴淨本願力故住其中。

疏四彰淨國之意使倣而行之前半智境嚴卽無嚴謂自受用土周徧無等法性之土體性無生二皆無相後半悲應無嚴之嚴嚴徧法界無住之住。

0 1 2 3 4 5 6 7 8 9

80

9

撰述

卷八

常住利中。上釋莊嚴竟。鈔悲應已下。後半卽他受用。及變化淨。一偈之中。四土具矣。爾時普賢菩薩復告大衆言。諸佛子。此中有何等世界住。我今當說。

疏第三明所持利網。釋品目世界之言。又前明本利。今辯末界。故兼染淨文分三別。第一告衆許說。二諸佛子。此不可說下。雙標二章。三諸佛子。彼諸世界種下。廣釋二章。

諸佛子。此十不可說。佛利微塵數香水海中有十不可說。佛利微塵數世界。每不可說上依今北藏增十字

不可說佛利微塵數世界。

不可說上依今北藏增

疏標二章者。謂種及利。然利種依利海。諸利依利種。則寬陿可知。名從何得。欲明世界無邊。方便顯多。故立此名。謂積多世界共在一處。攝諸流類。故名爲種。如是種類。復有衆多。深廣無邊。故名爲海。如積多魚以成一種。魚龍龜鼈。山泉島嶼。乃有多種。並悉攝在一大海中。而言世界無邊者。海外有海。海無窮也。若爾。種無別體。攬界以成。何以下文說有形體。雖依種類以立種名。何妨此種別有其體。如多蠶孔共成一窠。豈妨此窠別有其體。上

0 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

卷八

八

舉魚龍。蓋分喻耳。卽依後義亦得名爲種性。依於此種能生世界。如依一禾。有多穀粒。舊經云性多取此義。恐濫體性。故改爲種言。有不可說者。若準下文香海及種。皆有十不可說。梵本亦有。今脫十字。多是傳寫之漏耳。鈔雖依種類下。初正釋也。前爲成海。故取種類略無別體。今別喻蜂窠以彰有體。蜂孔如利。一窠如種。則顯魚龍但成分喻。卽依後義下。二結成也。先會同晉經成種性義。種有二義。一類二性。以禾喻種。以粒喻利。未能生穀。故有性義。恐濫下顯今經意。亦是通難。難云。若有種生之義。何不依昔爲世界性。故爲此通。則種兼二義。今經存之。

諸佛子。彼諸世界種於世界海中。各各依住。各各形狀。各各體性。各各方所。各各趣入。各各莊嚴。各各分齊。各各行列。各各無差別。各各力加持。

疏三廣釋二章中。文分爲二。初通明利種不同。釋利種章。二別明利種香海雙釋二章。二段各有長行與偈。今初長行文。二初列十門。後隨門廣釋。今初也。然此十門利種之異。並悉不離所依華藏。故云於世界海中所列十事與成就品都望全異。

彼通一切海。此明一海種故。若別別相望。互有互無。起具因緣清淨佛出劫住轉變。彼有此無。方所分齊行列。趣入力持等五。彼無此有。依住形體莊嚴。無別。彼此名同。前後互出。都有十五。皆顯十者。俱表無盡。而或異者。彰義多端。復有同者。恐濫全別。

疏何以起具。前有此無。前段總明成立因果。此中正辯何等。世界住故。餘可思準。鈔何以起具。下卽初問也。問意云。一種起具等五。此無前有。方所等五。此有前無。前段總明下答也。答中對上牒起

具問。餘可思準者。卽是結例。餘四。但用何等世界住言。總通五難。劫住是果。起具是因此通易了。餘四猶難。謂清淨佛出劫住轉變。正是果相。正辯界住。何得全無。今二無者。清淨方便。亦是約因。又不通染。今則通染。又不語因。佛住約人。今此辯利。故亦無之。劫住轉變。此二豎明。今語現住。亦非此要。故略不說。

疏然與前同。已如前釋。不同五事。今當說之。鈔然與前同。下三隨文別釋。但解五句。疏各各方所者。若圓滿方所。周滿法界。無處不有。

不卽三界不離三界。若隨宜方所。隨十方中。向背各別。鈔若圓滿方所等者。釋此五句。皆十八圓滿中意。次下當明。此中每句。各具二義。方所二者。圓滿方所。卽自受用方所。如上引唯識明自受用土相。若隨宜方所。卽他受用。及變化淨。然依佛地十八圓滿。唯約他受用說。今約圓通。故進入自受用。下該變化。

疏各各趣入者。依門趣入約法門者。謂三解脫。又互相現入而無來去等。鈔依門趣入者。彼有事門。卽如向說。二約法爲門。今但出此。又互相現入者。是約此宗以辯門義。並如下說。

疏各各分齊者。約事隨宜廣陋異。故約佛分齊。則十方無際。鈔分齊分二。隨宜卽他受用等。約佛卽自受用土問。圓滿方所。云無處不有。圓滿分齊。十方無際。二相何別答。若識隨宜方所分齊。卽圓滿二相不同。謂隨宜方所者。此之淨土十方之內。爲在何方。如極樂在西。妙喜在東等。言分齊者。此之淨土廣狹云何。或等一娑婆。或等百千。是分齊也。是則圓滿方所明無處不有者。卽徧在也。其分齊也。十方無際者。量周法界也。

疏各各行列。卽是道路。約事可知。約法謂大念慧行。以爲游路。各各力加持者。卽食能令住。約法廣大法味喜樂所持。鈔行列與下第十加持。約事法爲二。

疏又此互出。顯佛淨土。十八圓滿。十五攝故。言十八者。顯色形色分量方所因。果及王輔翼眷屬。任持事業攝。益無畏。住處路乘門。及依持。鈔又此互出下。初標釋也。總將二品之文共攝。十八圓滿。言十八下。第二列名文。無次第及圓滿言。而十八具足。一顯色圓滿。二形色圓滿。三分量圓滿。四方

所圓滿。五因圓滿。六果圓滿。七王。八輔翼。九眷屬。十任持。十一事業。十二攝益。十三無畏。十四住處。十五路。十六乘。十七門。十八依持圓滿。

疏云何攝耶。此具因緣。卽因圓滿。依住。卽是依持。形狀卽當形色體攝。二種一攝顯色。七寶光明爲體性故。二攝果滿。隨類之果可知。約佛大圓鏡智。相應淨識之所變故。故上偈云。或一念心。普示現爲體。莊嚴攝。三謂一攝住處。如來莊嚴爲住處故。二攝輔翼。菩薩嚴故。三攝眷屬。有餘衆故。清淨攝。三一攝事業。謂作有情之義利故。二攝攝益。謂現

證解脫滅彼煩惱及災橫故。二攝無畏謂內無災橫外無怖畏故。此中佛住攝二圓滿一攝王。二攝乘或說一乘等。故方所分齊。一名全同。行列卽路趣入卽門。力持爲任持。鈔云何攝耶。第三正明相攝先徵。此具下釋釋中文意皆是佛地論中之意細尋可知。十八名相第五迴向更當廣釋。此但舉於此十五名攝彼十八其有難者引經會釋。疏劫住轉變十八中無義同於果。及事業攝亦可成二十圓滿於理無違謂劫住窮未來故轉變卽如來神通變化。世界海普清淨轉變卽圓滿義。

鈔劫住轉變下第四明同異通有四種。此有二門。一立名同異。如上別對中明。二開合同異亦如上說。然上體及佛住各攝於二清淨莊嚴各攝於三則四門攝十餘之八門各攝其一則十二門已攝十八卽開合異也。三有無同異。卽是劫住及劫轉變釋無所以略有二意。一以彼攝此謂果攝劫住有利之果必有劫住之時分故事業圓滿攝此轉變菩薩神通如來作用皆轉變故。二者不用彼攝。何必定湏十八圓滿加於此二成二十數正圓滿故如以六通爲十通等。謂以劫住窮未來故下示

於二種圓滿之相。

疏其無差別。彼文雖無卽由此故方顯圓滿餘皆隨宜故云各各。鈔其無差別下。明通局同異。彼十八事。各各不同。今無差別。通該十八。由無差別約融攝說。故令十八得圓滿名。則此十四。皆約隨宜。由此無差。故名圓滿。

疏無差既同云何各各所無差事有多種故。鈔無差既同下。躡跡生難。上云餘十四事。皆是隨宜。故稱各各。其無差別。稱實而說。令餘圓滿。則無差別。非各各義。何以經云各各無差。今答此云。所無

差事有多種者。上經中明塵塵利利佛佛生生。皆悉融攝。事事相望。卽云一一。各各融攝。即是無差疏。若將此十。對成就品十。亦得相攝。恐厭繁文。

鈔若將此十下。第二攝成就品前攝十八。共以二品。皆爲能攝。今此對前。自分能所。而得互攝。疏恐責繁。不能具出。鈔湏盡理。一一示之。此華藏品攝成就品者。此中趣入攝。彼起具因緣及清淨二事。以趣入卽三解脫門。可爲利因。令利淨故。此中力持攝餘三事。謂佛出劫住及劫轉變以力持。卽是廣大法喜。無佛從何得法喜耶。况有佛持。若佛不

出但以食持。若佛出世卽有法持。若以食持住時則少。若用法持住劫則長。二種力持皆通轉變。法持則染變爲淨。食持則淨變爲染。故俱舍說三災起時。由二種因。耽著美味。二者懶慢。故以食持淨變爲染。上以此二攝於彼五。五事全同。故十具矣。若以成就攝華藏者。上以此二攝於彼五。則以彼五攝於此二。此餘三事。謂方所分齊。并及行列。彼何攝耶。卽五同中。依住形狀。一事所攝。以但有依住。則有方所。及行列故。但有形狀。則有分齊。則以彼七攝。此五事。五事全同。則十亦具。故於二處

各舉十事。無所不收。巧顯多端。故互隱顯理。實五出爲顯十八。

疏又上諸文。一一段中。具多圓滿。一一融攝。故異餘宗。

諸佛子。此世界種。或有依大蓮華海住。或有依無邊色寶華海住。或有依一切真珠藏寶瓔珞海住。或有依香水海住。或有依一切華海住。或有依摩尼寶網海住。或有依漩流光海住。或有依菩薩寶莊嚴冠海住。或有依種種衆生身海住。或有依一切佛音聲摩尼王海住。如是等若廣說者。有世界海微塵數。

疏二隨門廣釋但釋其三謂依住形體餘七雖略

義上已說今初依住中初列後結文並可知。

諸佛子。彼一切世界種。或有作湧彌山形。或作江河形。或作迴轉形。或作漩流形。或作輪輞形。或作壇壝形。或作樹林形。或作樓閣形。或作山幢形。或作普方形。或作胎藏形。或作蓮華形。或作法勒迦形。或作衆生身形。或作雲形。或作諸佛相好形。或作圓滿光明形。或作種種珠網形。或作一切門闡形。或作諸莊嚴具形。如是等若廣說者有世界海微塵數。

疏二形狀中初列二十種後結塵數不同今初迴

轉形者。礪聚往來之形也。壇壝形者。築土爲壇。除地爲壝。法勒迦者梵音。此云竹篠。

諸佛子。彼一切世界種。或有以十方摩尼雲爲體。或有以衆色燄爲體。或有以諸光明爲體。或有以寶香燄爲體。或有以一切寶莊嚴多羅華爲體。或有以菩薩影像爲體。或有以諸佛光明爲體。或有以佛色相爲體。或有以一寶光爲體。或有以衆寶光爲體。或有以一切衆生福德海音聲爲體。或有以一切衆生業海音聲爲體。或有以一切佛境界清淨音聲爲體。或有以一切菩薩大願海音聲爲體。或有以一切佛

方便音聲爲體。或有以一切利莊嚴具成壞音聲爲體。或有以無邊佛音聲爲體。或有以一切佛變化音聲爲體。或有以一切衆生善音聲爲體。或有以一切佛功德海清淨音聲爲體。如是等若廣說者有世界海微塵數。

疏三明體中先列後結。列中亦二十種。前十色相。後十是聲。會釋如前。

爾時普賢菩薩欲重宣其義。承佛神力。觀察十方而說頌言。

刹種堅固妙莊嚴。廣大清淨光明藏。依止蓮華寶海。

住。或有住於香海等。

疏應頌有十。分爲六段。初一頌依住。

湏彌城樹壇壝形。一切刹種徧十方。種種莊嚴形相。別各各布列而安住。

疏次一形狀及布列安住。

或有體是淨光明。或是華藏及寶雲。或有利種燄所成。安住摩尼不壞藏。

燈雲燄彩光明等。種種無邊清淨色。或有言音以爲體。是佛所演不思議。

或是願力所出音。神變音聲爲體性。一切衆生大福。

業佛功德音亦如是。

疏次三體性。

利種一一差別門。不可思議無有盡。如是十方皆徧滿廣大莊嚴現神力。

十方所有廣大利悉來入此世界種。雖見十方普入中。而實無來無所入。

以一利種入一切。一切入一亦無餘。體相如本無差別。無等無量悉周徧。

疏次三頌於三事。謂初二句頌所入門。次句方所。

第四句莊嚴餘二偈中。廣大利之本相。卽是分齊。

廣陥此彼相入。亦頌趣入。初偈以多入一。後偈一年多互入。鈔此彼相入。亦頌趣入。故上疏中釋趣入義已爲此解。於中有二。先略屬偈文。

疏皆入而無入。入則壞緣起。不入壞性用。鈔皆入而無入下。通釋二偈入無入言。前偈中有義通後偈故致皆言。總有三意。初一反釋。通緣起相由及法性融通二門。約緣起門者。凡緣起法要有三義。一諸緣各異義。二互徧相資義。三俱存無礙義。今云入則壞緣起者。反釋不入。入則失緣。則無諸緣各異義。言不入則壞性用者。反釋入義。則不得

不入不入則不得力用交徹故無互徧相資義則壞用也若具入不入則俱存無礙成緣起門言法性融通門者卽性之一字夫法性融通要不壞相而卽真性入則壞緣起者無可相入不入則壞性者則性不徧一切法故由不壞相性而能普徧方是法性融通義也。

疏又要由不入方能入耳。鈔二又要由不入方能入者卽順釋也亦通二門唯就相說若約緣起門要由諸緣歷然不入方得相資徧相入耳若約法性融通門者要由事相歷然方隨理融入一切

法故說若唯約理無可卽入。

疏又約體本空故無來無入約相不壞故如本無差以性融相故得互入。鈔三又約體本空下亦順明而雙約性相上第一義相卽不入性卽能入今此一義獨相獨性俱不能入要二相融方能入故言又約體空則無來無入者是若唯約性無可卽入言約相不壞如本無差者卽若唯約事不能卽入上二皆不入義以性融相故得互入者卽釋入義是顯正義謂不異理之一事全攝法性時今彼不異理之多事隨所依理皆於一中現等一事

多中現故得互入是法性融通門也。

一切國土微塵中。普見如來在其所願海言音若雷震。一切衆生悉調伏。

疏次一頌無差。謂塵容佛海等無差故。

佛身周徧一切刹無數菩薩亦充滿。如來自在無等倫。普化一切諸含識。

疏後一頌力持王伴。皆是神力任持。普化之言。兼於法味。

爾時普賢菩薩復告大衆言。諸佛子。此十不可說佛

利微塵數香海。在華藏莊嚴世界海中。如天帝網分布而住。不可說上今依北藏增十字

疏第二別明種刹香海雙釋二章者。謂香海依刹海利種依香海。諸刹依利種亦有長行偈頌。長行

分三初總舉諸海所依。二次第別顯海種及刹。第三總略結釋。今初也。上來雖復但標利種及刹二章。而釋依住中皆云依海。故列海數。此多香海並在刹海地面故。云所依言如帝網者。大都分布則似車輪其有別者。謂帝釋殿網貫天珠成以一大珠當心次以其次大珠貫穿匝繞。如是展轉遞繞。

經百千匝若上下四面四角望之皆行伍相當今此香海雖在地面分布相似又有涉入重重之義故云如也。

諸佛子此最中央香水海名無邊妙華光以現一切菩薩形摩尼王幢爲底。

疏第二諸佛子此最中央下次第別顯諸海種利文分爲三初辯中間一海次辯右旋十海後明十海所管之海然十海各管不可說佛刹塵數之海總顯則有十不可說佛刹塵數次第說者但有一百一十一海餘皆略指今初中央一海文分爲二

先明香海出華以持刹種後有不可說下明所持世界前中有三初香海名以多華發光故亦由菩薩行華而爲因故。

出大蓮華名一切香摩尼王莊嚴。

疏二華名謂以香摩尼嚴此華故又從摩尼底而出生故約法卽萬行圓明之所成故海能有華故受華名華依於海取海底稱鈔海能有華等者以海名無邊妙華光故如蓮華池池受華名華依於海者海以摩尼王幢爲底故華名摩尼王莊嚴如泥中華華受泥稱。

有世界種而住其上名普照十方熾然寶光明。以一切莊嚴具爲體。

疏三種名約事寶光遠照故。約法其世界種正是所含種子。一一皆有大智光明徧照法界義故。性德互嚴故。

有不可說佛刹微塵數世界於中布列。

疏第二所持世界中三。初總舉大數。次其最下方下別辯二十層大利。後諸佛子下類結所餘。初文可知。

廿最下方有世界名最勝光徧照。

疏第二別辯中。準標及結。皆有不可說刹塵。其別辯中但列十九佛刹塵數爲二十重。其能繞刹。但有二百一十佛刹塵數。下當會釋。二十層卽分二十段。最下層中。文有七事。一舉名。鈔但有二百一十者。第一層一佛刹微塵數世界。第二層二佛刹。一上加二爲三。第三層加三爲六。第四層加四爲十。第五層加五成十五。第六層加六成二十一。第七層加七成二十八。第八層加八成三十六。第九層加九成四十五。第十層加十成五十五。下十層有五十五。上十層一一漸加。差數亦有五十五。

而各有十。謂十一十二十三十四等。上十層更有
一百。都有二百五十五。并下十層五十五。故有三
百一十矣。問。既有二十層。何以但云十九佛刹爲
主刹耶。答。以最下一層。但云一世界。非一佛刹塵
數世界。故云從此一界云。此上過一佛刹微塵數
世界至第二層。故二層共有一佛刹塵數利耳。如
堅二千錢爲二十百。最下取一錢。如最下一刹。此
上過一百取一錢爲第二層。方共一百耳。此上過
一百至第三層。方是二百。乃至二十層。方是一千
九百文耳。故二十層成十九佛刹。思之下當會釋

者。卽第三會能繞所繞類結之中。

以一切金剛莊嚴光耀輪爲際。

疏二辯際。謂世界所據之際。如金剛際。

依衆寶摩尼華而住。

疏三依住。若準此名。大同刹種所依蓮華。而舊釋
云。於前無邊香海所出華上。更有此華持此一界
者。以例上諸層。別有依住。故爲此釋。何妨最下依
於總華。思之。

其狀猶如摩尼寶形。

疏四形如摩尼者。爲摩尼狀。有於八楞似方不方。

似圓不圓故異下八隅。

一切寶華莊嚴雲彌覆其上。

疏五上覆。

佛利微塵數世界周市圍繞種種安住種種莊嚴。
疏六眷屬鈔六眷屬者卽經中云種種安布種
種莊嚴是辯眷屬利之相耳。

佛號淨眼離垢燈。

疏七本界佛名離二障垢智眼清淨照世如燈然
佛德無邊各隨一義二層已去或有八事謂加去
此遠近故或有九事加純淨言故準此若無此言

卽通染淨此上眷屬漸加刹數中間諸事可以準
知。

此上過佛利微塵數世界有世界名種種香蓮華妙
莊嚴以一切莊嚴具爲際依寶蓮華網而住其狀猶
如師子之座一切寶色珠帳雲彌覆其上二佛利微
塵數世界周市圍繞佛號師子光勝照。

此上過佛利微塵數世界有世界名一切寶莊嚴普
照光以香風輪爲際依種種寶華瓔珞住其形八隅
妙光摩尼日輪雲而覆其上三佛利微塵數世界周
市圍繞佛號淨光智勝幢。

撰述

華嚴疏錄卷八

五

此上過佛利微塵數世界。有世界名種種光明華莊嚴。以一切寶王爲際。依衆色金剛尸羅幢海住。其狀猶如摩尼蓮華。以金剛摩尼寶光雲而覆其上。四佛刹微塵數世界周帀圍繞純一清淨。佛號金剛光明無量精進力善出現。

此上過佛利微塵數世界。有世界名普放妙華光。以一切寶鈴莊嚴網爲際。依一切樹林莊嚴寶輪網海住其形普方。而多有隅角梵音摩尼王雲以覆其上。五佛刹微塵數世界周帀圍繞佛號香光喜力海。

疏五中云普方者。都望卽方。而一面之中亦有多

角隅卽是角文體容爾。

此上過佛利微塵數世界。有世界名淨妙光明。以寶王莊嚴幢爲際。依金剛宮殿海住。其形四方。摩尼輪髻帳雲而覆其上。六佛刹微塵數世界周帀圍繞佛號普光自在幢。

此上過佛利微塵數世界。有世界名衆華燄莊嚴。以種種華莊嚴爲際。依一切寶色燄海住。其狀猶如樓閣之形。一切寶色衣真珠欄楯雲而覆其上。七佛刹微塵數世界周帀圍繞純一清淨。佛號歡喜海功德名稱自在光。

此上過佛利微塵數世界。有世界名出生成威力地。以出一切聲摩尼王莊嚴爲際。依種種寶色蓮華座虛空海住。其狀猶如因陀羅網以無邊色華網雲而覆其上。八佛利微塵數世界周市圍繞。佛號廣大名稱智海幢。

此上過佛利微塵數世界。有世界名山妙音聲。以心王摩尼莊嚴輪爲際。依恒出一切妙音聲莊嚴雲。摩尼王海住。其狀猶如梵天身形。無量寶莊嚴師子座雲而覆其上。九佛利微塵數世界周市圍繞。佛號清淨月光明相無能摧伏。

此上過佛利微塵數世界。有世界名金剛幢。以無邊莊嚴真珠藏寶瓔珞爲際。依一切莊嚴寶師子座。摩尼海住。其狀周圓。十湧彌山微塵數一切香摩尼華湧彌雲彌覆其上。十佛利微塵數世界周市圍繞。純一清淨佛號。一切法海最勝王。

此上過佛利微塵數世界。有世界名恒出現帝青寶光明。以極堅牢不可壞金剛莊嚴爲際。依種種殊異華海住。其狀猶如半月之形。諸天寶帳雲而覆其上。十一佛利微塵數世界周市圍繞。佛號無量功德法。此上過佛利微塵數世界。有世界名光明照耀。以普

光莊嚴爲際。依華旋香水海住狀如華旋種種衣雲而覆其上十二佛刹微塵數世界周市圍繞佛號超釋梵。

此上過佛刹微塵數世界至此世界名娑婆以金剛
普嚴爲際。依種種色風輪所持蓮華網住狀如虛空以普圓滿天宮殿莊嚴虛空雲而覆其上十三佛刹
微塵數世界周市圍繞其佛卽是毘盧遮那如來世尊。

疏其第十三層王刹卽此娑婆言形如虛空者靜法云大小乘經並說虛空體無形質不可見相今

云有形者迴文者誤梵本云三曼多。

周圓

第轉幡

轉囊

天宮

伽伽那

虛空王

阿楞迦羅

莊嚴益覆

僧塞

怛那

形狀

迴文應以形狀置周圓之前虛空安天

宮之上然後合綴飾云其形周圓以空居天宮莊

嚴之具而覆其上靜法此正深有理致今依經通之亦有理在謂空雖無形隨俗說故以俗典指空

爲天諸天爲圓穹其形如鍛故說天勢圍平野亦如法華云梵王爲衆生之父亦隨俗說耳鈔謂入爲圓穹者外典說天或謂有形故云天形穹隆其形如鍛故天圓地方若莊子云天者自然也則

無形質如法華者卽第六經藥王本事品中云譬
如大梵天王爲一切衆生之父此經亦復如是爲
一切衆生之父以梵王劫初初生後有諸天下降
梵王凡夫皆悉妄計梵王爲父諸經論皆破爲非。
是外道計今法華經如來自引以譬法華豈佛不
知是父爲妄故是世尊隨俗說耳今亦隨俗說天
有形於理何違然今疏意非是不許靜法之見但
已著在經小有可通卽爲會釋不欲使人輕毀聖
教耳。

此上過佛利微塵數世界有世界名寂靜離塵光以
一切寶莊嚴爲際依種種寶衣海任其狀猶如執金
剛形無邊色金剛雲而覆其上十四佛利微塵數世
界周帀圍繞佛號徧法界勝音。

此上過佛利微塵數世界有世界名衆妙光明燈以
一切莊嚴帳爲際依淨華綱海任其狀猶如卍字之
形摩尼樹香水海雲而覆其上十五佛利微塵數世
界周帀圍繞純一清淨佛號不可摧伏力普照幢。
疏第十五云形如卍字者靜法云室離鞞差本非
是字乃是德者之相正云吉祥海雲衆德深廣如
海益物如雲古來三藏誤譯洛利曩爲惡利擺遂

以相爲字。故爲謬耳。然此相以爲吉祥萬德之所集。成因目爲萬意在語略義含。合云萬相耳。餘並易了。鈔誤譯洛利曩者。洛利曩此云相也。惡利擺此云字也。聲勢相近。故使有誤。梵本是室離靺蹉洛利曩。合云吉祥海雲相也。然此相下疏出古德以吉祥海雲爲萬所由。合云萬相者卽結成靜法正義。縱汝吉祥海雲爲萬。合言萬相。不合云萬字。

此上過佛利微塵數世界。有世界名清淨光徧照。以無盡寶雲摩尼王爲際。依種種香燄蓮華海任其狀。

猶如龜甲之形。圓光摩尼輪栴檀雲而覆其上。十六佛利微塵數世界周帀圍達。佛號清淨日功德眼。此上過佛利微塵數世界。有世界名寶莊嚴藏。以一切衆生形摩尼王爲際。依光明藏摩尼王海任其形。八隅以一切輪圍山寶莊嚴華樹網彌覆其上。十七佛利微塵數世界周帀圍繞佛號無礙智光明徧照十方。

此上過佛利微塵數世界。有世界名離塵。以一切殊妙相莊嚴爲際。依衆妙華師子座海任。狀如珠瓔。以一切寶香摩尼王圓光雲而覆其上。十八佛利微塵

撰述

華嚴疏金卷八

數世界周帯圍繞純一清淨。佛號無量方便最勝幢此上過佛利微塵數世界。有世界名清淨光普照以出無盡寶雲摩尼王爲際。依無量色香燄湧彌山海住。其狀猶如寶華旋布。以無邊色光明摩尼王帝青雲而覆其上。十九佛利微塵數世界周帯圍繞。佛號普照法界虛空光。

此上過佛利微塵數世界。有世界名妙寶燄。以普光明日月寶爲際。依一切諸天形摩尼王海住。其狀猶如寶莊嚴具。以一切寶衣幢雲及摩尼燈藏網而覆其上。二十佛利微塵數世界周帯圍繞純一清淨。佛

號福德相光明。

諸佛子。此徧照十方熾然寶光明世界種。有如是等不可說佛利微塵數廣大世界。

疏第三類結所餘。此中非唯結數。兼總顯上文所依住等。文分爲四。一總結都數。二各各所依下。結形類。三此一一下。結眷屬。四如是所說下。彰其所。在今初卽舉本利種結有若干。此所結利定是主利。以下文指此不可說佛利。更有兩重繞故。其直上中間。但有十九佛利。而結有不可說者。以旁論故不爾。豈一利種最下。唯一主利。故知如向所說

主利橫豎共論有不可說故下結其所在云及在
香水河中思之。鈔此所結利者以昔人云經言
此一世界者此上二百一十佛利塵數之利耳。
非此上不可說佛利塵數之利也以二百一十塵
數利爲所繞兩重繞竟方有不可說耳故立理云
若不將此以會大數一卽此利種中非唯有不可
說利塵數廣大世界二卽三處說數相違釋曰此
公意云若所繞已有不可說佛利塵數更加兩重
繞利則有衆多不可說佛利塵利也言三處說數
相違者一是標中有不可說二中間說但有一百

一十三是結文兩重能繞初則有不可說後則有
無量不可說中間則不滿不可說故相違也此釋
亦似有理而經此一一言遠承於前二百一十殊
已隔越文中旣云如是有不可說佛利微塵數佛
利卽云此一世界各有十佛利微塵數廣大世
界周匝圍繞明知合繞前不可說也又以二百一
十爲所繞者前中間說利但超間明有一百一
望其文意直上十九佛利塵數之利一一各有衆
多佛利圍繞應有不可說不可說也何者且如最
下一利已有一佛利微塵數佛利圍繞向上過一

撰述

華嚴疏錄卷八

三

三

佛利微塵數世界方至第二層一利有二佛利微塵數世界圍繞此第一層向上至第二層中間諸利何以無繞利無繞則利網不成故知直上一佛利塵數之利一一皆應有繞不能具說故有超過舉二十重耳既最下層一利有一佛利塵數利繞此上次第二利更加一利爲能繞第三亦加一利如是漸上至百加百至千加千至萬加萬至滿佛利微塵數到第二層還加一佛利微塵數利爲能繞故有二佛利塵數利繞如是乃至第二十層亦復如是。一一漸增故但直上至一佛利塵數世界。

并其能繞已有衆多佛利微塵數箇佛利微塵數世界不可知數且就一期之數云不可說耳明知所繞定是主刹若爾云何不與標文相違標文但云一刹種有不可說佛利微塵數世界故既加兩重能繞多多故答此有二意一言不可說者就王標耳二者其兩重能繞並不出不可說刹塵刹中何者觀其文意但是諸刹互爲主伴爲相繞耳如百人共聚一人爲主則九十九人繞之餘九十九人一一爲主時皆得九十九人繞之若不爾者最下一刹已有一佛利塵數世界圍繞此能繞刹更

有兩重能繞。已有不可說不可說利塵數利也。思之明知互爲主伴。則本數不增。

各各所依住。各各形狀。各各體性。各各方面。各各趣入。各各莊嚴。各各分齊。各行各列。各各無差別。各各力加持。周匝圍繞。

疏二結形類中。初三列十門。旣言周匝圍繞。則知旁去。鈔而疏言旁去者。經中現說下狹上濶。如倒立浮圖。倒安鷹齒。亦合更說上尖下廣。如正浮圖。仰安鷹齒。則上下櫛比。皆悉周滿間無空處方爲利網。上下四周。皆悉相當。經欲揀別諸重。不能

備舉。故且增數說。繞利殊又欲令斜望相當。故爲此說。所以梵網經云。世界不同。猶如網孔。若但取二百一十以爲所繞。殊非得意。

所謂十佛利微塵數迴轉形世界。十佛利微塵數江河形世界。十佛利微塵數旋流形世界。十佛利微塵數輪輞形世界。十佛利微塵數壇壝形世界。十佛利微塵數樹林形世界。十佛利微塵數樓觀形世界。十佛利微塵數戶羅幢形世界。十佛利微塵數普方形世界。十佛利微塵數胎藏形世界。十佛利微塵數蓮華形世界。十佛利微塵數佉勒迦形世界。十佛利微

塵數種種衆生形世界。十佛刹微塵數佛相形世界。
十佛刹微塵數圓光形世界。十佛刹微塵數雲形世
界。十佛刹微塵數網形世界。十佛刹微塵數門闥形
世界。

疏二所謂下廣說十門形狀有十八事。望前刹種
形中。闕湏彌山形及嚴具形餘皆全同。但此約刹
爲異耳。

如是等有不可說佛刹微塵數。

疏三如是等下結歸都數。

此一世界各有十佛刹微塵數廣大世界周匝圍

繞此諸世界。一一復有如上所說微塵數世界而爲
眷屬。

疏三結眷屬中然有兩重主伴此一一者指上不
可說塵數也若望前文王刹直上繞數漸增今總
相說故云一一各有十刹塵也。又是欲顯無盡義
故一一復有如上所說微塵數者如上之言文含
二義一卽總指前能繞所繞之數繞一世界不欲
繁文故云如上二者如上亦用十佛刹爲能繞也
依此則似譯人文繁理隱何不言一一復有十佛
刹塵數耶若依前義則譯者之妙鈔依此則似

者若言十佛刹但有三字今云如上所說則有四字故爲文繁但云如上所說言不分明卽是理隱若依前義者能繞所繞其數既多但云如上則言省略故云妙耳雖有二釋疏意存第二釋但用十佛刹塵數而爲能繞爲順經宗明無盡故前後體勢類皆然故餘如疏文細尋可見

如是所說一切世界皆在此無邊妙華光香水海及圍繞此海香水河中

疏四彰所在卽最中香海旣言及在香水河明知旁去

信士周元煒領募銀四兩五錢四分一厘助刻此卷伏願同悟性海

與緣

信士梅國禎一兩
梅門高氏五錢四分一厘
范門姚氏二錢
姚門項氏三錢
張門沈氏五錢
周門王氏九分鮑氏一分
曾氏陸氏各一錢五分
信童陳冬壽一錢

佛弟子吳應乾全妻李氏捨銀四兩五錢一分一厘圓滿此卷伏願祖考懷椿祖妣鉢氏先考舜耕先妣史氏仗此良因超昇淨域更祈現存偕老當來悟明者

大方廣佛華嚴經疏鈔卷八

大方廣佛華嚴經疏鈔卷第九

于闐國三藏沙門實叉難陀譯

清涼山大華嚴寺沙門澄觀撰述

華藏世界品第五之二

爾時普賢菩薩復告大衆言諸佛子此無邊妙華光香水海東。

疏第二明右旋十海卽繞處中之海有其十也各有種利十海卽爲十段今初第一離垢藏海文二先牒中海以定方卽是所繞從東爲首。次有香水海名離垢藏出大蓮華名一切香摩尼

王妙莊嚴有世界種而住其上。名徧照刹旋以菩薩行吼音爲體。

疏二次有下。明能繞之海於中二先明海華刹種此中最下方。

疏後此中最下方下明種所持利有二十重下九海例然今第一海二十重中各有七事一相去遠近。

有世界名宮殿莊嚴幢

疏二刹名

其形四方

疏三形狀

依一切寶莊嚴海任

疏四所依

蓮華光網雲彌覆其上

疏五上覆

佛利微塵數世界圍繞純一清淨

疏六眷屬

佛號眉間光徧照

疏七佛號或有說體或說清淨卽或八或九其第一重無去遠近但有最下方言然文並可知有難

卽釋。

此上過佛利微塵數世界。有世界名德華藏。其形周圓。依一切寶華藥海住。真珠幢師子座雲彌覆其上。二佛利微塵數世界圍繞。佛號一切無邊法海慧。此上過佛利微塵數世界。有世界名善變化妙香輪。形如金剛。依一切寶莊嚴鈴網海住。種種莊嚴圓光雲彌覆其上。三佛利微塵數世界圍繞。佛號功德相光明普照。

此上過佛利微塵數世界。有世界名妙色光明。其狀猶如摩尼寶輪。依無邊色寶香水海住。普光明真珠淨佛號善眷屬出興徧照。

此上過佛利微塵數世界。有世界名善益覆狀。如蓮華。依金剛香水海住。離塵光明香水雲彌覆其上。五佛利微塵數世界圍繞。佛號法喜無盡慧。

此上過佛利微塵數世界。有世界名尸利華光輪。其形三角。依一切堅固寶莊嚴海住。菩薩摩尼冠光明雲彌覆其上。六佛利微塵數世界圍繞。佛號清淨普光明。

此上過佛利微塵數世界。有世界名寶蓮華莊嚴形。

如半月。依一切蓮華莊嚴海住。一切寶華雲彌覆其上。七佛刹微塵數世界圍繞。純一清淨。佛號功德華清淨眼。

此上過佛刹微塵數世界。有世界名無垢燄莊嚴。其狀猶如寶燈行列。依寶燄藏海住。常雨香水種種身雲彌覆其上。八佛刹微塵數世界圍繞。佛號慧力無能勝。

此上過佛刹微塵數世界。有世界名妙梵音。形如卍字。依寶衣幢海住。一切華莊嚴帳雲彌覆其上。九佛刹微塵數世界圍繞。佛號廣大目如空中淨月。

此上過佛刹微塵數世界。有世界名寶色莊嚴。形如卍字。依帝釋形寶王海住。日光明華雲彌覆其上。十
一佛刹微塵數世界圍繞。佛號迥照法界光明智。
此上過佛刹微塵數世界。有世界名金色妙光。其狀猶如廣大城郭。依一切寶莊嚴海住。道場寶華雲彌覆其上。十二佛刹微塵數世界圍繞。佛號寶燈普照。

支那
華嚴疏妙卷九
四
東京大学総合図書館所蔵

60

1 2 3 4 5 6 7 8 9

70 1 2 3 4 5 6 7 8 9 80 1 2 3 4 5 6 7 8 9 90

此上過佛利微塵數世界。有世界名徧照光明輪。狀如華旋。依寶衣旋海住。佛音聲寶王樓閣雲彌覆其上。十三佛利微塵數世界圍繞純一清淨。佛號蓮華

談徧照。

此上過佛利微塵數世界。有世界名寶藏莊嚴。狀如四洲。依寶瓔珞湏彌住。寶談摩尼雲彌覆其上。十四佛利微塵數世界圍繞。佛號無盡福開敷華。

疏其第十四重中云。形如四洲者。水中可居曰洲。準俱舍東洲如半月。南洲如車。西洲如滿月。北則

瞿方。四洲形異而云如者。則全似此界。此中文無標結大數。準例可知耳。鈔準俱舍云者。略其義耳。具足頌云。東毘提訶洲。其形如半月。二邊如瞻部。南邊二百半。南瞻部如車。三邊各二千。南邊三百半。西瞿陀尼洲。其相圓無缺。逕二千五百。周圍此三倍。北俱盧瞿方。面各二千等。則北闊南狹。故結云四洲相殊。今云如者。上舉論爲問。今爲會釋。言似此界者。如四洲安布。是一佛居。今此世界。同此四洲之界。此中文無標結大數等者。例中間海。如第八經末。

60

1 2 3 4 5 6 7 8 9 10

撰述

華嚴疏錄卷六

五

第六

此上過佛利微塵數世界。有世界名如鏡像普現。其狀猶如阿修羅身。依金剛蓮華海住。寶冠光影雲彌覆其上。十五佛利微塵數世界圍繞。佛號甘露音。此上過佛利微塵數世界。有世界名旃檀月。其形八隅。依金剛旃檀寶海住。真珠華摩尼雲彌覆其上。十六佛利微塵數世界圍繞。純一清淨。佛號最勝法無等智。

此上過佛利微塵數世界。有世界名離垢光明。其狀猶如香水旋流。依無邊色寶光海住。一切樂音摩尼雲彌覆其上。十七佛利微塵數世界圍繞。佛號普照虛空光明。

此上過佛利微塵數世界。有世界名勝音莊嚴。其狀猶如師子之座。依金師子座海住。衆色蓮華藏師子座雲彌覆其上。十九佛利微塵數世界圍繞。佛號無邊功德稱普光明。

此上過佛利微塵數世界。有世界名高勝燈。狀如佛

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷六

掌。依寶衣服香幢海住。日輪普照寶王樓閣雲彌覆其上。二十佛利微塵數世界圍繞。純一清淨。佛號普照虛空燈。

諸佛子。此離垢燄藏香水海南。

疏第二從諸佛子此離垢燄藏香水海南下。第二無盡光明輪海。此下九海文皆有一先牒前海爲所依。後有香水海下。明能依之海。皆不牒中海爲所繞。故云南也。第三海去。但云右旋。又不云南者。十海如環。繞於中海。故不正南也。如以十牒繞於一盤方所可見。又第二已去。或無蓮華者。前總釋

種中云。或有依蓮華住。或有依海。故或無也。次有香水海。名無盡光明輪。世界種名佛幢莊嚴。以一切佛功德海音聲爲體。

疏後能依之海文亦有二。光明海華利種。

此中最下方有世界名愛見華。狀如寶輪。依摩尼樹藏寶王海住。化現菩薩形寶藏雲彌覆其上。佛利微塵數世界圍繞。純一清淨。佛號蓮華光歡喜面。此上過佛利微塵數世界。有世界名妙音。佛號湧彌寶燈。

此上過佛利微塵數世界。有世界名衆寶莊嚴光佛

號法界音聲幢。

此上過佛利微塵數世界。有世界名香藏金剛。佛號光明音。

此上過佛利微塵數世界。有世界名淨妙音。佛號最勝精進力。

此上過佛利微塵數世界。有世界名寶蓮華莊嚴。佛號法城雲雷音。

此上過佛利微塵數世界。有世界名與安樂。佛號大名稱智慧燈。

此上過佛利微塵數世界。有世界名無垢網。佛號師子光功德海。

此上過佛利微塵數世界。有世界名華林幢徧照。佛號大智蓮華光。

此上過佛利微塵數世界。有世界名無量莊嚴。佛號普眼法界幢。

此上過佛利微塵數世界。有世界名普光寶莊嚴。佛號號勝智大商王。

此上過佛利微塵數世界。有世界名離垢藏。佛號月光幢。

此上過佛利微塵數世界。有世界名離垢藏。佛號清

淨覺。

此上過佛利微塵數世界。有世界名寶光明。佛號一切智虛空燈。

此上過佛利微塵數世界。有世界名出生寶瓔珞。佛號諸度福海相光明。

此上過佛利微塵數世界。有世界名妙輪偏覆。佛號調伏一切染著心令歡喜。

此上過佛利微塵數世界。有世界名寶華幢。佛號廣博功德音大名稱。

此上過佛利微塵數世界。有世界名無量莊嚴佛號平等智光明功德海。

此上過佛利微塵數世界。有世界名無盡光莊嚴幢狀如蓮華。依一切寶網海住。蓮華光摩尼網彌覆其上。二十佛利微塵數世界圍繞。純一清淨。佛號法界淨光明。

疏此中最下方下所持之刹。二十重中初一世界。文卽有七。後一文八加純淨故。中間唯三謂相去數量刹名佛號餘八海例然已辯二海。

諸佛子此無盡光明輪香水海右旋。

疏第三金剛寶瓶光明海。

次有香水海名金剛寶燄光世界種名佛光莊嚴藏以稱說一切如來名音聲爲體。

此中最下方有世界名寶燄蓮華。其狀猶如摩尼色眉間毫相。依一切寶色水旋海住。一切莊嚴樓閣雲彌覆其上。佛利微塵數世界圍繞。純一清淨。佛號無垢寶光明。

此上過佛利微塵數世界。有世界名光燄藏。佛號無礙自在智慧光。

此上過佛利微塵數世界。有世界名寶輪妙莊嚴。佛號一切寶光明。

此上過佛利微塵數世界。有世界名旃檀樹華幢。佛號清淨智光明。

此上過佛利微塵數世界。有世界名佛利妙莊嚴。佛號廣大歡喜音。

此上過佛利微塵數世界。有世界名妙光莊嚴。佛號法界自在智。

此上過佛利微塵數世界。有世界名無邊相。佛號無礙智。

此上過佛利微塵數世界。有世界名燄雲幢。佛號演說不退輪。

此上過佛利微塵數世界。有世界名衆寶莊嚴清淨輪。佛號離垢華光明。

此上過佛利微塵數世界。有世界名廣大出離。佛號無礙智日眼。

此上過佛利微塵數世界。有世界名妙莊嚴金剛座。佛號法界智大光明。

此上過佛利微塵數世界。有世界名智慧普莊嚴。佛號智炬光明王。

此上過佛利微塵數世界。有世界名蓮華池深妙音。佛號一切智普照。

此上過佛利微塵數世界。有世界名種種色光明。佛號普光華王雲。

此上過佛利微塵數世界。有世界名妙寶幢。佛號功德光。

此上過佛利微塵數世界。有世界名摩尼華毫相光。佛號普音雲。

此上過佛利微塵數世界。有世界名甚深海。佛號十方衆生王。

此上過佛利微塵數世界。有世界名湧彌光。佛號法界普智音。

0 1 2 3 4 5 6 7 8 9

0 1 2 3 4 5 6 7 8 9

撰述

華嚴疏錄卷六

寒

此上過佛利微塵數世界。有世界名金蓮華。佛號福德藏普光明。

此上過佛利微塵數世界。有世界名寶莊嚴藏。形如正字。依一切香摩足莊嚴樹海住。清淨光明雲彌覆其上。二十佛利微塵數世界圍繞。純一清淨。佛號大變化光明網。

諸佛子。此金剛寶駁香水海右旋。

疏第四帝青寶莊嚴海。

次有香水海名帝青寶莊嚴。世界種名光照十方。依一切妙莊嚴蓮華香雲住。以無邊佛音聲爲體。

於此最下方。有世界名十方無盡色藏輪。其狀周迴有無量角。依無邊色一切寶藏海住。因陀羅網而覆其上。佛利微塵數世界圍繞。純一清淨。佛號蓮華眼光明徧照。

此上過佛利微塵數世界。有世界名淨妙莊嚴藏。佛號無上慧大師子。

此上過佛利微塵數世界。有世界名出現蓮華座。佛號徧照法界光明王。

此上過佛利微塵數世界。有世界名寶幢音。佛號大功德普名稱。

此上過佛利微塵數世界。有世界名金剛寶莊嚴藏。佛號蓮華日光明。

此上過佛利微塵數世界。有世界名因陀羅華月。佛號法自在智慧幢。

此上過佛利微塵數世界。有世界名妙輪藏。佛號大喜清淨音。

此上過佛利微塵數世界。有世界名妙音藏。佛號大力善商王。

此上過佛利微塵數世界。有世界名清淨月。佛號湧彌光智慧力。

此上過佛利微塵數世界。有世界名無邊莊嚴相。佛號方便願淨月光。

此上過佛利微塵數世界。有世界名妙華音。佛號法海大願音。

此上過佛利微塵數世界。有世界名一切寶莊嚴。佛號功德寶光明相。

此上過佛利微塵數世界。有世界名堅固地。佛號美音最勝天。

此上過佛利微塵數世界。有世界名普光善化。佛號大精進寂靜慧。

此上過佛利微塵數世界。有世界名善守護莊嚴行。佛號見者生歡喜。

此上過佛利微塵數世界。有世界名旃檀寶華藏。佛號甚深不可動智慧光徧照。

此上過佛利微塵數世界。有世界名現種種色相海。佛號普放不思議勝義王光明。

此上過佛利微塵數世界。有世界名化現十方大光明。佛號勝功德威光無與等。

此上過佛利微塵數世界。有世界名湧彌雲幢。佛號極淨光明眼。

此上過佛利微塵數世界。有世界名蓮華徧照。其狀周圓。依無邊色衆妙香摩尼海住。一切乘莊嚴雲而覆其上。二十佛利微塵數世界圍繞。純一清淨。佛號解脫精進日。

諸佛子。此帝青寶莊嚴香水海右旋。

疏第五金剛輪莊嚴底海。

次有香水海。名金剛輪莊嚴底。世界種名妙間錯。因陀羅網。普賢智所生音聲爲體。

此中最下方。有世界名蓮華網。其狀猶如湧彌山形。依衆妙華山幢海住。佛境界摩尼王帝網雲而覆其

上佛利微塵數世界圍繞純一清淨。佛號法身普覺慧。

此上過佛利微塵數世界。有世界名無盡日光明。佛號最勝大覺慧。

此上過佛利微塵數世界。有世界名普放妙光明。佛號大福雲無盡力。

此上過佛利微塵數世界。有世界名樹華幢。佛號無邊智法界音。

此上過佛利微塵數世界。有世界名真珠蓋。佛號波羅密師子頻申。

此上過佛利微塵數世界。有世界名無邊音。佛號一切智妙覺慧。

此上過佛利微塵數世界。有世界名普見樹峰。佛號普現衆生前。

此上過佛利微塵數世界。有世界名師子帝網光。佛號無垢日金色光燄雲。

此上過佛利微塵數世界。有世界名衆寶間錯。佛號帝幢最勝慧。

此上過佛利微塵數世界。有世界名無垢光明地。佛號一切力清淨月。

此上過佛刹微塵數世界。有世界名恒出歎佛功德音。佛號如虛空普覺慧。

此上過佛刹微塵數世界。有世界名高燄藏佛號化現十方大雲幢。

此上過佛刹微塵數世界。有世界名光嚴道場佛號無等智徧照。

此上過佛刹微塵數世界。有世界名出生一切寶莊嚴佛號廣度衆生神通王。

此上過佛刹微塵數世界。有世界名光嚴妙宮殿。佛號一切義成廣大慧。

此上過佛刹微塵數世界。有世界名離塵寂靜。佛號不唐現。

此上過佛刹微塵數世界。有世界名摩尼華幢。佛號悅意吉祥音。

此上過佛刹微塵數世界。有世界名普雲藏。其狀猶如樓閣之形。依種種宮殿香水海住。一切寶燈彌覆其上。二十佛刹微塵數世界圍繞。純一清淨。佛號最勝覺神通王。

諸佛子。此金剛輪莊嚴底香水海右旋。

疏第六蓮華因陀羅網海。

次有香水海。名蓮華因陀羅網。世界種名普現十方影。依一切香摩尼莊嚴蓮華住。一切佛智光音聲爲體。

此中最下方。有世界名衆生海寶光明。其狀猶如真珠之藏。依一切摩尼瓔珞海旋住。水光明摩尼雲而覆其上。佛利微塵數世界圍繞。純一清淨。佛號不思議功德徧照月。

此上過佛利微塵數世界。有世界名妙香輪。佛號無量力幢。

界先音覺悟慧。

此上過佛利微塵數世界。有世界名吼聲摩尼幢。佛號蓮華光恒垂妙臂。

此上過佛利微塵數世界。有世界名極堅固輪。佛號不退轉功德海光明。

此上過佛利微塵數世界。有世界名衆行光莊嚴。佛號一切智普勝尊。

此上過佛利微塵數世界。有世界名寶燄莊嚴。佛號師子光無量力覺慧。

此上過佛利微塵數世界。有世界名寶燄莊嚴。佛號

一切法清淨智。

此上過佛刹微塵數世界。有世界名無量燈。佛號無憂相。

此上過佛刹微塵數世界。有世界名常聞佛音。佛號自然勝威光。

此上過佛刹微塵數世界。有世界名清淨變化。佛號金蓮華光明。

此上過佛刹微塵數世界。有世界名普入十方。佛號觀法界頻申慧。

此上過佛刹微塵數世界。有世界名熾然燄佛。號光

燄樹繁那羅王。

此上過佛刹微塵數世界。有世界名香光徧照。佛號香燈善化王。

此上過佛刹微塵數世界。有世界名衆妙普清淨。佛號普現佛功德。

此上過佛刹微塵數世界。有世界名金光海。佛號一切法平等神通王。

此上過佛刹微塵數世界。有世界名真珠華藏。佛號大方自在大變化。

此上過佛刹微塵數世界。有世界名真珠華藏。佛號十

法界寶光明不可思議慧。

此上過佛利微塵數世界有世界名帝釋湏彌師子座佛號勝力光。

此上過佛利微塵數世界有世界名無邊寶普照其形四方依華林海住普雨無邊色摩尼王帝網而覆其上二十佛利微塵數世界圍繞純一清淨佛號徧照世間最勝音。

諸佛子此蓮華因陀羅網香水海右旋。

疏第七積集寶香藏海。

次有香水海名積集寶香藏世界種名一切威德莊

嚴以一切佛法輪音聲爲體。

此上中最下方有世界名種種出生形如金剛依種種金剛山幢住金剛寶光雲而覆其上佛利微塵數世界圍繞純一清淨佛號蓮華眼。

此上過佛利微塵數世界有世界名喜見音佛號生喜樂。

此上過佛利微塵數世界有世界名寶莊嚴幢佛號一切智。

此上過佛利微塵數世界有世界名多羅華普照佛號無垢寂妙音。

此上過佛利微塵數世界。有世界名變化光。佛號清淨空智慧月。

此上過佛利微塵數世界。有世界名衆妙間錯。佛號開示福德海密雲相。

此上過佛利微塵數世界。有世界名一切莊嚴具妙音聲。佛號歡喜雲。

此上過佛利微塵數世界。有世界名蓮華池。佛號名稱幢。

此上過佛利微塵數世界。有世界名一切寶莊嚴。佛號頻申觀察眼。

此上過佛利微塵數世界。有世界名淨妙華。佛號無盡金剛智。

此上過佛利微塵數世界。有世界名蓮華莊嚴城。佛號日藏眼普光明。

此上過佛利微塵數世界。有世界名日光明。佛號開一切法雷音。

此上過佛利微塵數世界。有世界名無量樹峰。佛號示無量智。

此上過佛利微塵數世界。有世界名依止蓮華葉。佛號一切福德山。

釋文

卷之九

三

美

此上過佛利微塵數世界。有世界名風普持。佛號日曜根。

此上過佛利微塵數世界。有世界名光明顯現。佛號身光普照。

此上過佛利微塵數世界。有世界名香雷音金剛寶普照。佛號最勝華開敷相。

此上過佛利微塵數世界。有世界名帝網莊嚴。形如欄楯。依一切莊嚴海住。光燄樓閣雲彌覆其上。二十佛利微塵數世界圍繞純一清淨。佛號示現無畏雲諸佛子。此積集寶香歲香水海右旋。

疏第八寶莊嚴海

次有香水海名寶莊嚴。世界種名普無垢。以一切微塵中佛利神變聲爲體。

此中最下方有世界名淨妙平坦。形如寶身。依一切寶光輪海住。種種旃檀摩尼真珠雲彌覆其上。佛利微塵數世界圍繞純一清淨。佛號難摧伏無等幢。號蓮華慧神通王。

此上過佛利微塵數世界。有世界名微妙相輪幢。佛號十方大名稱無盡光。

此上過佛刹微塵數世界。有世界名燄藏摩尼妙莊嚴佛號大智慧見聞皆歡喜。

此上過佛刹微塵數世界。有世界名妙華莊嚴。佛號無量力最勝智。

此上過佛刹微塵數世界。有世界名出生淨微塵。佛號超勝梵。

此上過佛刹微塵數世界。有世界名普光明變化香。佛號香象金剛大力勢。

此上過佛刹微塵數世界。有世界名光明旋佛號義成善名稱。

此上過佛刹微塵數世界。有世界名寶瓔珞海。佛號無比光徧照。

此上過佛刹微塵數世界。有世界名妙華燈幢。佛號究竟功德無礙慧燈。

此上過佛刹微塵數世界。有世界名善巧莊嚴。佛號慧日波羅蜜。

此上過佛刹微塵數世界。有世界名旃檀華普光明。佛號無邊慧法界音。

此上過佛刹微塵數世界。有世界名帝網幢。佛號燈光遍照。

此上過佛刹微塵數世界。有世界名淨華輪。佛號法界日光明。

此上過佛刹微塵數世界。有世界名大威曜。佛號無邊功德海法輪音。

此上過佛刹微塵數世界。有世界名同安住寶蓮華池。佛號開示入不可思議智。

此上過佛刹微塵數世界。有世界名平坦地。佛號功德寶光明王。

此上過佛刹微塵數世界。有世界名香摩尼聚。佛號無盡福德海妙莊嚴。

此上過佛刹微塵數世界。有世界名微妙光明。佛號無等力普偏音。

此上過佛刹微塵數世界。有世界名十方普堅固莊嚴照曜。其形八隅。依心王摩尼輪海住。一切寶莊嚴帳雲彌覆其上。二十佛刹微塵數世界圍繞。純一清淨。佛號普眼大明燈。

諸佛子。此寶莊嚴香水海右旋。

疏第九金剛寶聚海。

次有香水海。名金剛寶聚。世界種名法界行。以一切菩薩地方便法音聲爲體。

此中最下方有世界名淨光照耀形如珠貫依一切寶色珠瓔海住菩薩珠髻光明摩尼雲而覆其上佛利微塵數世界圍繞純一清淨佛號最勝功德光。

此上過佛利微塵數世界有世界名妙蓋佛號法自在慧。

此上過佛利微塵數世界有世界名寶莊嚴師子座佛號大龍淵。

此上過佛利微塵數世界有世界名出現金剛座佛號升師子座蓮華臺。

此上過佛利微塵數世界有世界名蓮華勝音佛號

智光普開悟。此上過佛利微塵數世界有世界名善慣習佛號持地妙光王。

此上過佛利微塵數世界有世界名喜樂音佛號法燈王。

此上過佛利微塵數世界有世界名摩尼藏因陀羅網佛號不空見。

此上過佛利微塵數世界有世界名衆妙地藏佛號淨燄身幢。

此上過佛利微塵數世界有世界名金光輪佛號淨

治衆生行。

此上過佛利微塵數世界。有世界名湏彌山莊嚴佛號。一切功德雲普照。

此上過佛利微塵數世界。有世界名衆樹形。佛號寶華相淨月覺。

此上過佛利微塵數世界。有世界名無怖畏佛號。最勝金光炬。

此上過佛利微塵數世界。有世界名大名稱龍王幢。佛號觀等一切法。

此上過佛利微塵數世界。有世界名示現摩尼色。佛

號變化日。

此上過佛利微塵數世界。有世界名香光雲。佛號思號寶益光徧照。

此上過佛利微塵數世界。有世界名無怨讐。佛號思惟慧。

此上過佛利微塵數世界。有世界名莊嚴具光。進勝慧海。

此上過佛利微塵數世界。有世界名一切莊嚴具光明幢。佛號普現悅意蓮華自在王。

此上過佛利微塵數世界。有世界名毫相莊嚴。形如

半月依湧彌山摩尼華海住。一切莊嚴熾盛光摩尼王雲而覆其上。二十佛利微塵數世界圍繞純一清淨佛號清淨眼。

諸佛子此金剛寶聚香水海右旋。

疏第十天城寶堞海。

次有香水海名天城寶堞。世界種名燈燄光明以普示一切平等法輪音爲體。

此上最下方有世界名寶月光燄輪形如一切莊嚴具依一切寶莊嚴華海住瑠璃色師子座雲而覆其上。佛利微塵數世界圍繞純一清淨佛號日月自在

光

此上過佛利微塵數世界有世界名湧彌寶光佛號無盡法寶幢。

此上過佛利微塵數世界有世界名衆妙光明幢佛號大華聚。

此上過佛利微塵數世界有世界名摩尼光明華佛號人中最自在。

此上過佛利微塵數世界有世界名普音佛號一切智偏照。

此上過佛利微塵數世界有世界名大樹繁那羅音。

撰述

華嚴疏錄卷九

三

庚

佛號無量福德自在龍。

此上過佛利微塵數世界。有世界名無邊淨光明。佛號功德寶華光。

此上過佛利微塵數世界。有世界名最勝音。佛號一切智莊嚴。

此上過佛利微塵數世界。有世界名衆寶間飾。佛號寶燄湧彌山。

此上過佛利微塵數世界。有世界名清淨湧彌音。佛號出現一切行光明。

此上過佛利微塵數世界。有世界名香水蓋。佛號一切波羅蜜無礙海。

此上過佛利微塵數世界。有世界名金剛妙華燈。佛號寶燄幢。

此上過佛利微塵數世界。有世界名一切法光明地。佛號一切大願光。

此上過佛利微塵數世界。有世界名真實義。佛號一切法廣大真實義。

此上過佛利微塵數世界。有世界名真珠未平坦莊嚴。佛號勝慧光明網。

此上過佛利微塵數世界。有世界名瑠璃華。佛號寶

積幢。

此上過佛利微塵數世界。有世界名無量妙光輪。佛號大威力智海藏。

此上過佛利微塵數世界。有世界名明見十方。佛號淨修一切功德幢。

此上過佛利微塵數世界。有世界名可愛樂梵音。形如佛手。依寶光網海住。菩薩身一切莊嚴雲而覆其上。二十佛利微塵數世界圍繞。純一清淨。佛號普照法界無礙光。

疏文並可知。有欲解釋利中佛名足可留思。

按疏初云

各有刹種十海及明二十重云下九海例然及二海中標明世界數量刹名等。又云餘八海例然總結。又云文並可知故九海科原藏悉畧今遭原藏不欲繁文。

比丘明聲領袖刻此第九卷

與緣

比丘圓福誠靜覺秀優婆塞明昭

賢

明傑

明岩

于明故

費用廣

焰

張象成

張象思

大修

施少川

于萬壽

沈門燒氏

大方廣佛華嚴經疏鈔卷第九

大方廣佛華嚴經疏鈔卷十

于闐國三藏沙門實叉難陀譯

清涼山大華嚴寺沙門澄觀撰述

華藏世界品第五之三

爾時普賢菩薩復告大衆言。諸佛子。彼離垢院藏香
水海東。

疏第三大段。從第十經去。明十海所管之海。一海各管不可說佛利微塵數。現文但各說十。卽爲百海。亦有利種。及所持利。十海卽爲十段。但記次前十海之名。此文居然易了。十段中。一一有一謂先

標能管之海以定方。

次有香水海。名變化微妙身。此海中有世界種。名善布差別方。

次有香水海。名金剛眼幢。世界種名莊嚴法界橋。

次有香水海。名種種蓮華妙莊嚴。世界種名恒出十方變化。

次有香水海。名無間寶王輪。世界種名寶蓮華莖密雲。

次有香水海。名妙香燄普莊嚴。世界種名毘盧遮那變化行。

次有香水海。名寶末闍浮幢。世界種名諸佛護念佛界。

次有香水海。名一切色熾然光。世界種名最勝光徧照。

次有香水海。名一切莊嚴具境界。世界種名寶燄燈。

疏後次有下列所管之海次第。於所管中各有三節。初從能管海邊。隣次列九。唯第一段九中缺一。如是等不可說微塵數香水海。

疏二。如是等下總結一海所管之大數。

其最近輪圍山香水海。名玻瓈地。世界種名常放光。

明以世界海清淨劫音聲爲體。

疏三真最近下廣說最近輪圍一海於中文皆有
二初舉海種名體。

此中最下方有世界名可愛樂淨光幢佛利微塵數
世界圍繞純一清淨佛號最勝三昧精進慧。

疏第二此中最下方下所持之刹亦皆二十重於
中超間文皆四節一舉下層。

此上過十佛利微塵數世界與金剛幢世界齊等有
世界名香莊嚴幢十佛利微塵數世界圍繞純一清
淨佛號無障礙法界燈。

疏二超至第十等金剛幢者卽中央香海利種中
第十重刹。

此上過三佛利微塵數世界與娑婆世界齊等有世
界名放光藏佛號徧法界無障礙慧明。

疏三更超至十三者以等此中央娑婆故。

此上過七佛利微塵數世界至此世界種最上方有
世界名最勝身香二十佛利微塵數世界圍繞純一
清淨佛號覺分華。

疏四更至第二十重者以最上故言最上者利種
最上若云二十重最上何以得此最上之名設不

欲繁文。何以不加乃至最上耶。然超間者意存畧故。云齊等者恐失次故。又上下橫豎皆相當故。又此隨所管海有不可說。皆望本能管之海。方面一道布列。故下但云此海之外。不言右旋等。此下九本各有能管之海等科。原藏並無然第一段疏中云一一有一。又云文皆有二。又云文皆四節。味一字及皆字明以一段爲例。餘九準之。故遵原藏以刪其繁。但存其段節而已。後凡舉一例。餘放此。諸佛子。彼無盡光明輪香水海外。

次有香水海。名具足妙光。世界種名徧無垢。

次有香水海。名光耀蓋。世界種名無邊普莊嚴。

次有香水海。名妙寶莊嚴。世界種名香摩尼軌度形。

次有香水海。名出佛音聲。世界種名善建立莊嚴。

次有香水海。名幢須彌藏。世界種名光明徧滿。

次有香水海。名旃檀妙光明。世界種名華燄輪。

次有香水海。名風力持。世界種名寶燄雲幢。

次有香水海。名帝釋身莊嚴。世界種名真珠藏。

次有香水海。名平坦嚴淨。世界種名毘琉璃末種種莊嚴。

如是等不可說佛利微塵數香水海。

其最近輪圍山香水海。名妙樹華。世界種名出生諸方廣大利。以一切佛催伏魔音爲體。

此中最下方。有世界名燄炬幢。佛號世間功德海。此上過十佛刹微塵數世界。與金剛幢世界齊等。有世界名出生寶。佛號師子力寶雲。

此上與娑婆世界齊等。有世界名衣服幢。佛號一切智海王。

於此世界種最上方。有世界名寶瓔珞師子光明。佛號善變化蓮華幢。

諸佛子。彼金剛燄光明香水海外。

次有香水海名一切莊嚴具瑩飾幢。世界種名清淨行莊嚴。

次有香水海名一切寶華光耀海。世界種名功德相莊嚴。

次有香水海名蓮華開敷。世界種名菩薩摩尼冠莊嚴。

次有香水海名妙寶衣服。世界種名淨珠輪。

次有香水海名可愛華偏照。世界種名百光雲照耀。次有香水海名偏虛空大光明。世界種名寶光普照。次有香水海名妙華莊嚴幢。世界種名金月眼瓔珞。次有香水海名真珠香海藏。世界種名佛光明。次有香水海名寶輪光明。世界種名善化現佛境界。

0 1 2 3 4 5 6 7 8 9 10 1 2 3 4 5 6 7 8 9 10

光明。

如是等不可說佛刹微塵數香水海。

其最近輪圍山香水海。名無邊輪莊嚴底。世界種名無量方差別。以一切國土種種言說音爲體。

此中最下方有世界名金剛華蓋。佛號無盡相光明普門音。

此上過十佛刹微塵數世界。有世界與金剛幢世界齊等。名出生寶衣幢。佛號福德雲大威勢。

此上與娑婆世界齊等。有世界名衆寶炬妙莊嚴。佛號勝慧海。

於此世界種最上方。有世界名日光明衣服幢。佛號智日蓮華雲。

諸佛子。彼帝青寶莊嚴香水海外。

次有香水海。名阿修羅宮殿。世界種名香水光所持。次有香水海。名寶師子莊嚴。世界種名徧示十方一切寶。

次有香水海。名宮殿色光明雲。世界種名寶輪妙莊嚴。

次有香水海。名出大蓮華。世界種名妙莊嚴徧照法界。

60

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

次有香水海。名燈燄妙眼。世界種名徧觀察。十方變化。

次有香水海。名不思議莊嚴輪。世界種名十方光明。普名稱。

次有香水海。名寶積莊嚴。世界種名燈光照耀。

次有香水海。名清淨寶光明。世界種名須彌無能爲礙風。

次有香水海。名寶衣欄楯。世界種名如來身光明。如是等不可說佛利微塵數香水海。

其最近輪圍山香水海。名樹莊嚴幢。世界種名安住

帝網以一切菩薩智地音聲爲體。

此中最下方。有世界名妙金色。佛號香燄勝威光。

此上過十佛利微塵數世界。與金剛幢世界齊等。有世界名摩尼樹華佛號無礙普現。

此上與娑婆世界齊等。有世界名毘琉璃妙莊嚴。佛號法自在堅固慧。

於此世界種最上方。有世界名梵音妙莊嚴。佛號蓮華開敷光明王。

諸佛子。彼金剛輪莊嚴底香水海外。

次有香水海。名化現蓮華處。世界種名國土平正。

次有香水海。名摩尼光。世界種名徧法界無迷惑。
 次有香水海。名衆妙香日摩尼。世界種名普現十方。
 次有香水海。名恒納寶流。世界種名普現十方。
 次有香水海。名無邊深妙音。世界種名無邊方差別。
 次有香水海。名堅實積聚。世界種名無量處差別。
 次有香水海。名清淨梵音。世界種名普清淨莊嚴。
 次有香水海。名旃檀櫛音聲藏。世界種名迥出幢。
 次有香水海。名妙香寶王光莊嚴。世界種名普現光明力。

疏第五金剛輪莊嚴底香水所管。但列九海而結。

文及最近輪圍之海。九行許經諸梵本中皆同。此闕。準前後例。此必定有。第十海所管近輪圍海。所持二十重刹內。最初文云。此中最下方有香水海。名因陀羅華藏者。從香字至藏字並長。由前已說香水海故。前諸海中無此例故。縱依海無過。在文不便。前第一海所管中九海闕一。今此長者多是梵本脫漏。彼人注之誤書相似貝葉耳。餘並可知。十海次第。但觀次前疏文不俟重舉。

諸佛子。彼蓮華因陀羅網香水海外。

次有香水海。名銀蓮華妙莊嚴。世界種名普徧行。

次有香水海。名毘琉璃竹密燄雲。世界種名普出十方音。

次有香水海。名十方光燄聚。世界種名恒出變化分佈十方。

次有香水海。名出現真金摩尼幢。世界種名金剛幢相。

次有香水海。名平等大莊嚴。世界種名法界勇猛旋。

次有香水海。名寶華叢無盡光。世界種名無邊淨光明。

次有香水海。名妙金幢。世界種名演說微密處。

次有香水海。名光影徧照。世界種名普莊嚴。

次有香水海。名寂音。世界種名現前垂布。

如是等不可說佛利微塵數香水海。

其最近輪圍山香水海。名密燄雲幢。世界種名一切光莊嚴。以一切如來道場衆會音爲體。

於此最下方有世界名淨眼莊嚴。佛號金剛月徧照十方。

此上過十佛利微塵數世界。與金剛幢世界齊等。有世界名蓮華德。佛號大精進善覺慧。

此上與娑婆世界齊等。有世界名金剛密莊嚴。佛號

婆羅王幢。

此上過七佛利微塵數世界。有世界名淨海莊嚴。佛號威德絕倫無能制伏。

諸佛子。彼積集寶香藏香水海外。

次有香水海。名一切寶光明徧照。世界種名無垢稱莊嚴。

次有香水海。名衆寶華開敷。世界種名虛空相。

次有香水海。名吉祥幢徧照。世界種名無礙光普莊嚴。

次有香水海。名旃檀樹華。世界種名普現十方旋。

次有香水海。名出生妙色寶。世界種名勝幢周徧行。

次有香水海。名普生金剛華。世界種名現不思議莊嚴。

次有香水海。名心王摩尼輪嚴飾。世界種名示現無礙佛光明。

次有香水海。名積集寶瓔珞。世界種名淨除疑。

次有香水海。名真珠輪普莊嚴。世界種名諸佛願所流。

如是等不可說佛利微塵數香水海。

其最近輪圍山香水海。名闍浮檀寶藏輪。世界種名

釋述

華嚴疏錄卷十

十一

下

普音幢。以入一切智門。音聲爲體。

此中最下方有世界。名華藥燄佛號精進施。

此上過十佛利微塵數世界。與金剛幢世界齊等。有

世界名蓮華光明幢佛號。一切功德最勝心王。

此上過三佛利微塵數世界。與娑婆世界齊等。有世

界名十力莊嚴佛號。善出現無量功德王。

於此世界種最上方有世界名摩尼香山幢佛號廣

大善眼淨除疑。

諸佛子。彼寶莊嚴香水海外。

次有香水海。名持須彌光明藏。世界種名出生廣大

雲。

次有香水海。名密布寶蓮華。世界種名最勝燈莊嚴
礙淨莊嚴。

次有香水海。名極聰慧行。世界種名最勝形莊嚴。
網藏。

次有香水海。名衆多嚴淨。世界種名寶華依處。
次有香水海。名持妙摩尼峰。世界種名普淨虛空藏。

次有香水海。名大光徧照。世界種名帝青炬光明。
藏。

次有香水海。名可慶摩尼珠充滿徧照。世界種名普吼聲。

如是等不可說佛利微塵數香水海。

其最近輪圍山香水海。名出帝青寶。世界種名周徧無差別。以一切菩薩震吼聲爲體。

此中最下方。有世界名妙勝藏。佛號最勝功德慧。此上過十佛利微塵數世界。與金剛幢世界齊等。有世界。名莊嚴相。佛號超勝大光明。

此上與娑婆世界齊等。有世界名瑠璃輪普莊嚴。佛號須彌燈。

於此世界種最上方。有世界名華幢海。佛號無盡變化妙慧雲。

諸佛子。彼金剛寶聚香水海外。

次有香水海。名崇飾寶埤塊。世界種名秀出寶幢。次有香水海。名寶幢莊嚴。世界種名現一切光明。次有香水海。名妙寶雲。世界種名一切寶莊嚴光明徧照。

次有香水海。名寶樹華莊嚴。世界種名妙華間飾。

次有香水海。名妙寶衣莊嚴。世界種名光明海。

次有香水海。名寶樹峰。世界種名寶燄雲。

次有香水海。名示現光明。世界種名入金剛無所礙。
次有香水海。名蓮華普莊嚴。世界種名無邊岸海淵。
次有香水海。名妙寶莊嚴。世界種名普示現國土藏。
如是等不可說佛利微塵數香水海。

其最近輪圍山香水海。名不可壞海。世界種名妙輪。
間錯蓮華塲。以一切佛力所出音爲體。

此中最下方。有世界名最妙香。佛號變化無量塵數光。

此上過十佛利微塵數世界。與金剛幢世界齊等。有世界名不思議差別莊嚴門。佛號無量智。

此上與娑婆世界齊等。有世界名十方光明妙華藏。
佛號師子眼光燄雲。

於此最上方有世界。名海音聲。佛號水天光燄門。
諸佛子。彼天城寶堞香水海外。

次有香水海。名燄輪赫奕光。世界種名不可說種種莊嚴。

次有香水海。名寶塵路。世界種名普入無量旋。

次有香水海。名具一切莊嚴。世界種名寶光徧照。

次有香水海。名布衆寶網。世界種名安布深密。

次有香水海。名妙寶莊嚴幢。世界種名世界海明了。

音。

次有香水海。名日宮清淨影。世界種名徧入因陀羅網。

次有香水海。名一切鼓樂美妙音。世界種名圓滿平正。

次有香水海。名種種妙莊嚴。世界種名淨密光燄雲。次有香水海。名周徧寶燄燈。世界種名隨佛本願種種形。

如是等不可說佛利微塵數香水海。

其最近輪圍山香水海。名積集瓔珞衣。世界種名化現妙衣。以三世一切佛音聲爲體。

此中最下方。有香水海。名因陀羅華藏。世界名發生歡喜。佛利微塵數世界圍繞。純一清淨。佛號堅悟智。此上過十佛利微塵數世界。與金剛幢世界齊等。有世界名寶蓮華師子座。十三佛利微塵數世界圍繞。純一清淨。佛號無量歡喜光。

此上過三佛利微塵數世界。與娑婆世界齊等。有世界名寶蓮華師子座。十三佛利微塵數世界圍繞。佛號最清淨不空聞。

此上過七佛利微塵數世界。至此世界種最上方。有

世界名寶色龍光明。二十佛刹微塵數世界圍繞。純一清淨。佛號徧法界普照明。

諸佛子。如是十不可說佛刹微塵數香水海中。有十不可說佛刹微塵數世界種。

疏第三總畧結釋。文分爲五一總結都數。謂一海各管一不可說。十海卽有十不可說。一海一種。是以數同。

皆依現一切菩薩形摩尼王幢莊嚴蓮華住。

疏二。皆依下結種海所依。謂卽是前能持利海本大蓮華。彼名種種光明藥香幢。今此乃云現菩薩形等者。是此一華隨義異名。有此用故。與前最中海底名同。以中間海底卽此大華之體。中受總稱。故取大華體名。或是譯者之誤。

各各莊嚴際無有間斷。各各放寶色光明。各各光明雲而覆其上。各各莊嚴具。各各劫差別。各各佛出現。各各演法海。各各衆生徧充滿。各各十方普趣入。各各一切佛神力所加持。

疏三。各各下結種異門。此與前釋刹種章及世界成就中十相參。大同。此一一世界種中。一切世界。依種種莊嚴住。遙相接。

連成世界網。

疏四此一一下。結種中之利。言成世界網者。一一世界猶如網孔。遙相接連。如以網持。橫豎交絡。皆悉相當。如天珠網。

於華藏莊嚴世界海種種差別。周徧建立。

疏五於華藏下。結歸華藏。卽建立之處。上來雙釋二章長行竟。

爾時普賢菩薩欲重宣其義。承佛威力而說頌言。華藏世界海法界等無別。莊嚴極清淨。安住於虛空。

疏第二重頌。總有一百一偈。分二。初一明華藏自

體。初句標名。次句不壞分量。卽同真性。次句具德莊嚴末句無礙安住。

此世界海中。利種難思議。一一皆自在。各各無雜亂。

疏餘一百偈。頌所持利網。於中二。初九頌能持利種。餘頌所持諸利。初中初一頌參而不雜。華藏世界海。利種善安布。殊形異莊嚴。種種相不同。疏次一安布行列。

諸佛變化音。種種爲其體。隨其業力見。利種妙嚴飾。須彌山城網。水旋輪圓形。廣大蓮華開。彼彼互圍繞。山幢樓閣形。旋轉金剛形。如是不可思議。廣大諸利種。

疏次一利種體嚴次二辯形。

大海真珠燄光網不思議。如是諸刹種悉在蓮華住。
疏次一依住。

一一諸刹種光網不可說。光中現衆刹。普偏十方海。
一切諸刹種所有莊嚴具。國土悉入中。普見無有盡。
疏次二方所趣入。

刹種不思議。世界無邊際。種種妙嚴好。皆由大仙力。
疏後一佛力加持。

一切刹種中。世界不思議。

疏第二頌種所持刹。九十一偈多頌結文。但一二。

不同謂體及形。餘皆同也。大分十段。第一有二十一
八頌明刹異。由因緣卽結中各各衆生徧充滿。下
云種種衆生居故。及各各佛力所加持。至文當見。
第二有二頌顯刹微細。卽結中各各普趣入。第三
十頌明世界體性。結文卽無義。見前經第四五頌。
明世界各各莊嚴具。第五五頌明各各莊嚴際無
間斷。此二如結名。第六有十頌明世界形狀。義見
上文。第七二頌明各各劫差別。第八有八偈明各
各佛出現。此二亦如結名。第九有十頌光明有無。
卽各各放寶光明。及各各光明雲覆。第十有十一

頌明音聲善惡。卽各各演法海。今初爲二。初半偈
標章種種多端。故曰難思。

或成或有壞。或有已壞滅。

譬如林中葉。有生亦有落。如是刹種中。世界有成壞。
譬如依樹林。種種果差別。如是依利種。種種衆生住。
譬如種子別。生果各殊異。業力差別故。衆生利不同。
疏餘偈廣釋難思之相。於中分二。前九偈半喻顯。
後十八偈法說。前中分三。初二偈半明由染因。利
有成壞。初一偈半明種則長時。利有成壞。次一偈
利種雖一。居利有殊。後偈結歸業種。

譬如心王寶。隨心見衆色。衆生心淨故。得見清淨利。
譬如大龍王。興雲徧虛空。如是佛願力。出生諸國土。
如幻師咒術。能現種種事。衆生業力故。國土不思議。
疏次有三偈明由淨因。一淨心因。二佛願通因緣。
後一明淨業因。

譬如衆續像。畫師之所作。如是一切利。心畫師所成。
衆生身各異。隨心分別起。如是利種種。莫不皆由業。
譬如見導師。種種色差別。隨衆生心行。見諸利亦然。
疏後三通結染淨因。一隨心染淨因。二分別起業。
因。卽以正喻依。亦是以因喻緣。心即是因。招異熟。

60 1 2 3 4 5 6 7 8 9 70 1 2 3 4 5 6 7 8 9 80

60

果果之龐妙。蓋由業緣三一偈雙明心業行卽業故。亦喻衆生同處異見。鈔以正喻依者。以衆生身喻種種利故。亦是以因喻緣者。故下六地云。業爲田。識爲種。謂心卽名言種爲親因緣。名之爲因業爲增上緣。名之爲緣。餘如疏釋三有一偈者。標也。行卽是業故釋也。以心顯故不釋。謂隨其心淨則佛土淨。是由心異見利不同。若行十善。則見命不中夭。生於大富梵行之國。是隨業異見利不同。此卽雙舉因緣亦雙明王所亦喻衆生同處異見者。佛本無二見金見銀。利本是一見淨見穢。故螺

髻所見。如第六天宮。身子所見。丘陵坑坎。

一切諸利際周布蓮華網。種種相不同。莊嚴悉清淨。彼諸蓮華網利網所安住。種種莊嚴事。種種衆生居。疏後十八偈法說中分三。初六明染淨。次四明成壞。後八明苦樂。今初分二。前二顯淨相不同。

或有利土中。險惡不同。坦由衆生煩惱於。彼如是見雜染及清淨。無量諸利種。隨衆生心起。菩薩力所持。或有利土中。雜染及清淨。斯由業力起。菩薩之所化。有利放光明。離垢寶所成。種種妙嚴飾。諸佛令清淨。疏後四對因以辯。於中初一唯染由煩惱故。次二

通染淨。心業通善惡故。屬於菩薩及衆生故。後一
唯淨以屬佛故。

一一利種中。劫燒不思議所現雖敗惡。其處常堅固。
由衆生業力。出生多刹土。依止於風輪。及以水輪住。
世界法如是種種見不同。而實無有生。亦復無滅壞。
一一心念中。出生無量刹。以佛威神力。悉見淨無垢。
疏二有四偈。顯成壞中初一。龕壞細存。壞由業惡。
存由二因一約佛。二善業者。故法華云。我淨土不
毀天人常充滿然滅雖不俱。而起必同處。雖曰同
處。而恒相無故難思也。鈔初一。龕壞細存者。所

現雖敗惡。卽龕壞也是變化土。其處常堅固。細存
也。卽自他受用土。畧屬經文下出。所以壞由惡業
者。法華云。是諸罪衆生。以惡業因緣過阿僧祇劫。
不聞三寶名。存由二因者。標也。一約佛者。卽自受
用土。二善業者。卽他受用。兼變化淨以業不同。同
處異見。故法華云。諸有修功德。柔和質直者。則皆
見我身。在此而說法。故法華下引證。我淨土不毀。
證自受用成上約佛。天人常充滿。證他受用等。成
上善業。如次證上。故義引經文。若具引者。經云。衆
生見劫盡。大火所燒時。我此土安隱。天人常充滿。

園林諸堂閣種種寶莊嚴寶樹多華果衆生所遊樂諸天擊天鼓常作衆伎樂雨曼陀羅華散佛及大眾我淨土不毀而衆見燒盡憂怖諸苦惱如是悉充滿卽云是諸罪衆生等次云諸有修功德等然滅雖不俱下釋成上義結歸難思卽叡公意一滅一存故曰不俱不離滅處有存故曰起必同處如人於餓鬼火處見水餓鬼於人水處見火雖曰同處者滅中無存有中無滅亦如羅刹宮殿與人宮殿同在一處互不相見他受用土亦復如是若自受用故是徧周不卽三界不離三界故法華云

不如三界見於三界若法性土又起滅常如故難思者結釋經文劫燒不思議謂不可作存滅染淨而思矣

疏次偈業存處立次偈世相不同性無生滅鈔世相不同者以法性土對他受用及變化土也疏後偈結歸因緣內由心變則染淨萬差外假佛緣于何不淨

有利泥土成其體甚堅硬黑暗無光煥惡業者所居有利金剛成雜染大憂怖苦多而樂少薄福之所處或有用鐵成或以赤銅作石山險可畏罪惡者充滿

0 1 2 3 4 5 6 7 8 9 10

1 2 3 4 5 6 7 8 9 10

撰述

勸善錄卷十

疏三八偈明苦樂中三初三總相約利論苦樂。利中有地獄衆生苦無救常在黑暗中。燄海所燒然。

或復有畜生種種醜陋形由其自惡業常受諸苦惱或見閻羅界饑渴所煎逼登上大火山受諸極重苦。

疏次三約一利中。有三惡趣。

或有諸利土七寶所合成種種諸宮殿斯由淨業得汝應觀世間其中人與天淨業果成就隨時受快樂。

疏後二明人天樂。

一一毛孔中億利不思議種種相莊嚴未曾有迫隘衆生各各業世界無量種於中取着生受苦樂不同。

疏第二一一毛下二偈顯利微細初偈舉果後偈對因以辯

有利衆寶成常放無邊光金剛妙蓮華莊嚴淨無垢有利光爲體依止光輪住金色旃檀香燄雲普照明有利月輪成香衣悉周布於一蓮華內菩薩皆充滿有利衆寶成色相無諸垢譬如天帝網光明恒照耀有利香爲體或是金剛華摩尼光影形觀察甚清淨或有難思利華旋所成就化佛皆充滿菩薩普光明或有清淨利悉是衆華樹妙枝布道場陰以摩尼雲有利淨光照金剛華所成有是佛化音無邊列成網

有利如菩薩摩尼妙寶冠。或有如座形。從化光明出。或有旃檀末。或是眉間光。或佛光中音。而成斯妙利。

疏第三十偈明體性中亦兼餘義隨釋可知。

或見清淨利。以一光莊嚴。或見多莊嚴。種種皆奇妙。或用十國土妙物作嚴飾。或以千土中一切爲莊校。或以億利物莊嚴於一土。種種相不同。皆如影像現不可說土物。莊嚴於一利。各各放光明。如來願力起。或有諸國土願力所淨治。一切莊嚴中。普見衆利海。

疏第四十五頌明莊嚴。

諸修普賢願所得清淨土三世利莊嚴。一切於中現。

佛子汝應觀。利種威神力。未來諸國土。如夢悉令見。十方諸世界。過去國土。海咸於一利中。現像猶如化。三世一切佛。及其國土。於一利種中。一切悉觀見。一切佛神力。塵中現衆生。種種悉明見。如影無真實。

疏第五有五偈明莊嚴際中攝三世嚴故無間斷。結歸佛故。一塵普見。

或有衆多利。其形如大海。或如須彌山。世界不思議。有利善安住。其形如帝網。或如樹林形。諸佛滿其中。或作寶輪形。或有蓮華狀。八隅備衆飾。種種悉清淨。或有如座形。或復有三隅。或如佉勒迦城郭。梵王身。

或如天王髻。或有如半月。或如摩尼山。或如日輪形。或有世界形。譬如香海旋。或作光明輪。佛昔所嚴淨。或有輪網形。或有壇壝形。或如佛毫相。肉髻廣長眼。或有如佛手。或如金剛杵。或如燄山形。菩薩悉周徧。或如師子形。或如海蚌形。無量諸色相。體性各差別。於一刹種中。刹形無有盡。皆由佛願力。護念得安住。

疏第六。或有衆多刹下十偈。明刹形差別。

有利住一劫。或住於十劫。乃至過百千國土微塵數。或於一劫中。見刹有成壞。或無量無數。乃至不可思議。

疏第七。二偈。明刹住時分。

或有刹有佛。或有刹無佛。或有唯一佛。或有無量佛。國土若無佛。他方世界中。有佛變化來。爲現諸佛事。歿天與降神。處胎及出生。降魔成正覺。轉無上法輪。隨衆生心樂。示現種種相。爲轉妙法輪。悉應其根欲。一一佛利中。一佛出興世。經於億千歲。演說無上法。衆生非法器。不能見諸佛。若有心樂者。一切處皆見。一一利土中。各有佛興世。一切刹中佛億數不思議。此中一一佛。現無量神變。悉徧於法界調伏衆生海。

疏第八。有八偈。明佛出多少。文並可知。

有利無光明。黑暗多恐懼。苦觸如刀劍。見者自酸毒。

撰述

華嚴疏鈔卷十

三

或有諸天光。或有宮殿光。或日月光明。利網難思議。有利自光明。或樹放淨光。未曾有苦惱衆生福力故。或有山光明。或有摩尼光。或以燈光照。悉衆生業力。或有佛光明。菩薩滿其中。有是蓮華光。燄色甚嚴好。有利華光照。有以香水照。塗香燒香照。皆由淨願力。有以雲光照。摩尼蚌光照。佛神力光照。能宣悅意聲。或以寶光照。或金剛燄照。淨音能遠震。所至無眾苦。或以摩尼光。或是嚴具光。或道場光明。照耀衆會中。佛放大光明化佛滿其中。其光普照觸法界。悉周徧。疏第九十偈。光明有無。初一無後九有。

有利甚可畏。嘵咤大苦聲。其聲極酸楚。聞者生厭怖。地獄畜生道。及以閻羅處。是濁惡世界。恒出憂苦聲。
疏第十有十一頌。利中音聲善惡。初二惡道。唯惡。或有國土中。常出可樂音。悅意順其教。斯由淨業得。或有國土中。恒聞帝釋音。或聞梵天音。一切世主音。或有諸利土。雲中出妙聲。寶海摩尼樹。及樂音徧滿。
疏次三人天。通善惡。

諸佛圓光內。化聲無有盡。及菩薩妙音。周聞十方刹。不可思議國。普轉法輪聲。願海所出聲。修行妙音聲。三世一切佛。出生諸世界。名號皆具足。音聲無有盡。

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

或有利中聞。一切佛力音。地度及無量。如是法皆演。
普賢誓願力。億利演妙音。其音若雷震。在劫亦無盡。
佛於清淨國。示現自在音。十方法界中。一切無不聞。

疏後太佛菩薩。善而非惡。正顯各各演說法海也。

仁和信士張頴自捨并領袖刻此一卷伏願先考張萃先妣王氏古弟張頴仗加被之力證法

界之理。凡諸親識各隨其願得悟無生

比丘實真壹兩。張進思全妻姚氏參錢。張偉思全妻沈氏。張晉。吳振珂薦母沈氏俱

貳錢。慈谿魏天華。董繼志。張門董氏俱

壹錢。顏思曾。張拱翼。姚延祿俱錢百文。翁自如。六弟俱五分。阿潮阿良。姚汝椿

俱五十文。朱門蔡氏。姚門張氏。張達。阿因四媽。朱鳳。朱椿。張弘。張達。錢氏

大方廣佛華嚴經疏鈔卷十 終



十六